

四庫全書

子部

欽定四庫全書

證類本草卷十七

宋 唐慎微 撰

獸部中品總一十七種

七種神農本經

五種名醫別錄

一種唐本先附

注云
唐附

四種陳藏器餘

凡墨蓋子已下並唐慎微續證類

白馬莖

眼蹄齒心肺肉
骨尿溺等附

鹿茸

骨角髓腎
肉等附

牛角鯁

髓膽心肝腎
齒肉尿溺附

羖羊角

髓膽肝心腎
齒肉骨尿附

狗陰莖

膽心腦齒骨
蹄血肉等附

羚羊角

犀角

虎骨

膏爪肉
等附

兔頭骨

腦肝肉
等附

狸骨

肉陰莖
等附

麋骨

肉髓
等附

豹肉

豹
附

筆頭灰

唐附自草
部今移

四種陳藏器餘

犢子臍尿

靈猫

震肉

驚驚

白馬莖味鹹甘平無毒主傷中脈絕陰不起強志益氣

長肌肉肥健生子小兒驚癇陰乾百日

臣禹錫等謹按藥性論云白馬

莖使味鹹能主男子陰痿堅長房中術偏要孟詵云白馬莖益丈夫陰氣陰乾者末和菴菴蜜丸空心酒下四

十九日再百日見效

眼主驚癇腹滿瘧疾當殺用之

臣禹錫等謹按驚癇通用藥云馬眼平

懸蹄主驚邪瘕癥乳難辟惡氣鬼毒蠱疰不詳止衄血

內漏齧齒生雲中平澤

臣禹錫等謹按藥對及齒痛通用藥云馬懸蹄平孟詵云懸蹄

主驚
癩

白馬蹄療婦人瘦下白崩 赤馬蹄療婦人赤崩

臣禹錫等

謹按崩中通用藥云馬蹄甲平藥訣云馬蹄味甘熱無毒孟詵云赤馬蹄能辟濕癘

齒主小兒驚癩

臣禹錫謹按日華子云馬齒水磨治驚癩

鬻頭膏主生髮

臣禹錫等謹按髮禿落通用藥云馬鬻膏平

鬻毛主女子崩中赤白

心主喜忘

臣禹錫等謹按孟詵云患癩人不得食

肺主寒熱小兒莖痿

臣禹錫等今詳莖痿非小兒之疾二字必誤

肉味辛苦冷主熱下氣長筋強腰脊壯健強志輕身不

飢

臣禹錫等謹按蓋說云肉有小毒不與會米同食必卒得惡十有九死不與蓋同食生氣救其肉多著浸

洗方煮得爛熟蕪去血盡始可煮炙肥者亦然不爾毒不出陳氏良云馬肉有大毒日華子云此肉只堪煮餘食難消不可多食食後以酒投之皆須好清水搗洗三五徧即可煮食之懷娠婦人及患痢人並不可食忌蒼耳生薑又髒燒灰止血並傳惡瘡

脯療寒熱痿痺

屎名馬通微溫主婦人崩中止渴及吐下血鼻衄金創

止血

臣禹錫等謹按蓋說云患丁腫中風疼痛者燭驢馬糞熨人瘡滿五十徧極效男子患未可及心差

後合陰陽垂至死取白馬糞五升絞取汁好器中盛停一宿一服三合日夜二服

頭骨主喜眠令人不睡

臣禹錫等謹按好眠通用藥云馬頭骨微寒日華子云頭骨治

多睡作枕枕之燒
灰傅頭耳瘡佳

溺味辛微寒主消渴破癥堅積聚男子伏梁積疝婦人

癥疾銅器承飲之

陶隱居云東行白馬蹄下土作方術知女人外情馬色類甚多以純白者

為良其口眼蹄皆白俗中時有兩三爾小小用不必爾馬肝及鞍下肉舊言殺人食駿馬肉不飲酒亦殺人白傷人有毒人體有瘡馬汗馬氣馬毛亦並能為害唐本注云別錄云馬毛主小兒驚癇白馬眼主小兒疝母帶之屎中粟主金釧小兒容忤寒熱不能食絆繩主小兒癇並洗之今按陳藏器本草云馬肉及血有小毒食之當飲美酒即解婦人懷妊不得食馬驢為其十二月

胎騾又不產馬頭骨於水上流浸之則無水基音其又埋安午地令宜蠶凡收白馬莖當以遊牝時力勢正強者生取得為良馬牙燒作灰唾和緋帛貼丁腫上根出屎絞取汁主傷寒時疾服之當吐下亦主產後諸血氣及時行病起合陰陽垂死者並溫服之用馬屎及溺當以白者最良臣禹錫等謹按唐本注云諸筋肉非十二月採者並亦火乾之孟詵云惡刺瘡取黑馬尿熱漬當愈穀洗之日華子云尿洗頭瘡白禿

圖經

文具殺羊角條下

雷公云要馬無病嫩身如銀春收者最妙臨用以銅刀劈破作七片將生羊血拌蒸半日出曬乾以麤布拭上皮並乾羊血了細剉用也又馬自死肉不可食五月勿食傷神

食療

白馬黑頭食令人癩白馬自死食之害人肉冷有小毒主腸中熱除下氣長筋骨赤馬蹄辟溫又食

諸馬肉心悶飲清酒即解濁酒即加又刺瘡取黑駃馬
尿熱浸當蟲出患杖瘡並打損瘡中風疼痛者少馬騾
濕糞分取半替換熱熨之冷則易之滿五十過極效又
小兒患頭瘡燒馬骨作灰和醋傅亦治身上瘡白禿瘡
以馱馬不之者尿數數煖洗之十遍差又白馬脂五兩
封瘡上稍稍封之白禿者髮即生又馬汗入人瘡毒氣
攻作膿心懣欲絕者燒粟櫛草作灰濃淋作濃灰汁熱
煮燕瘡於灰汁中須臾白沫出盡即差白沫者是毒氣
也此方嶺南新有人曾得力凡生馬血入人肉中多只
三兩日便腫連心則死有人剝馬被骨傷手指血入肉
中一夜致死又臆臆次驢臆也蹄無夜眠者勿食又黑
脊而斑不可食患瘡疥人切勿食如增雞差赤馬皮
臨產鋪之令產
母坐上催生

聖惠方

治頭赤禿用白馬蹄燒灰
末以臘月猪脂和傅之

外臺秘要

刺馬被骨刺破中毒欲死取剝馬腹中糞及屎洗以糞傅之大驗絞糞汁飲之效

又方

治毒熱攻手足腫疼痛
欲脫水煮馬糞汁漬之

又方

治小兒夜啼不已馬
骨末傅乳上飲止

千金方

小兒卒客忤取馬屎三升燒令煙
絕以酒三升煮三沸去滓浴兒

又方

治肉癥思肉不已食訖復思白馬
尿三升空心飲當吐肉不出即死

又方

治齒齧切白馬懸蹄
塞之不過三度差

肘後方

若病人齒無色舌上白或喜睡眠憤不知痛痺
處或下痢可急治下部不曉此者但攻其上不

以下為意下部生蟲食其肛門爛見五藏便死
燒馬蹄作灰末猪脂和傅綿上導下部日數度差

又方

辟瘟疫馬蹄屑二兩
縫囊帶之男左女右

又方

背瘡大驗取白馬齒燒作灰先以針刺瘡頭開即以灰封以濕麪周腫處後以醃醋洗去灰根出

又方

治齒痛馬夜眼如米大內孔中或綿裹著蟲孔中內之即差永斷根源

又方

治人嗜眠喜睡馬頭骨燒灰末水服方寸七日三夜一

梅師方

治吐血不止燒白馬糞研以水絞取汁服一升

又方

馬咬人或刺破瘡及馬汗入瘡毒痛取馬糞燒灰為末研傅瘡及馬尿洗瘡佳

食醫心鏡

治馬癩動發無時筋脈不收周痺肌肉不仁野馬肉一斤細切於豉汁中煮著五味葱白

調和作脍脂食之作羹粥及白煮喫妙

簡要濟衆

治小兒中馬毒客忤取馬尾於兒前燒令兒咄煙氣每日燒之差為度

集驗方

治天行瘟疫燒蹄灰以豬脂和傅日五六用

兵部手集

多年惡瘡不差或痛痒生皰爛研馬糞并齒傅上不過三兩遍良武相在蜀自脛有瘡痒

不可忍得此方便差

又方

治豌豆瘡馬肉爛煮汁洗乾脯亦得

劉涓子

治被打腹中瘀血白馬蹄燒煙盡取灰末酒服方十七日三夜一亦治婦人血病塞上廣利方同

又方

馬病疥不可食生寸白蟲

子母秘錄

產後寒熱心悶極脹及百病馬通絞取汁一盞以酒和服之差

產寶

療乳腫以馬
溺塗之立愈

巢氏病源

白馬尿治驚
癎出搜神記

禮記

馬黑脊而斑
臂漏不可食

前漢

轅固與黃生爭論於上前上曰食肉毋食馬
肝未為不知味也注馬肝有毒食之殺人

秦穆公

亡善馬歧下蜀共得食之吏欲法之公曰君子無
以畜害人吾聞食善馬肉不飲酒傷人皆賜酒

漢志

文成食馬肝而死又韋莊
又立集序云食馬留肝

丹房鏡源

馬脂菜五金糞
養一切藥力

茸 鹿



鄆州鹿

金定四庫全書

卷十七



鹿茸味甘酸溫微溫無毒主漏下惡血寒熱驚癇益氣

強志生齒不老療虛勞洒洒如瘧羸瘦四肢酸疼腰脊

痛小便利洩精弱血破留血在腹散石淋癰腫骨中熱

疽癢

臣禹錫等謹按藥性論云鹿茸君味苦辛主補男
子腰腎虛冷脚膝無力夜夢鬼交精溢自出女人

崩中漏血灸末空心溫酒服方寸匕又主赤白帶下入
散用益說云鹿茸主益氣不可以鼻嗅其茸中有小白

蟲視之不見入人鼻必為蟲類藥不及也日華子云鹿
茸補虛羸壯筋骨破瘀血殺鬼精安胎下氣酥灸入用

骨安胎下氣殺鬼精物不可近陰令痿久服耐老四月

五月解角時取陰乾使時燥

麻勃為之使唐本注云鹿
茸夏收陰乾百不收一縱

得二乾臭不佳用破之火乾大好臣禹錫等謹按藥性論云鹿骨味甘微熱無毒

角味鹹無毒主惡瘡癰腫逐邪惡氣留血在陰中除小

腹血急痛腰脊痛折傷惡血益與氣七月採

杜仲為之使臣禹錫等謹按癰

疽通用藥云鹿角溫微溫孟詵云角錯為屑白密五升

強骨髓補絕傷又婦人夢與鬼交者鹿角末三指一撮

清酒和鹿角灰服方寸七日三夜一甚效又小兒以煮

小豆汁和鹿角灰安重舌下日三度日華子云角療患

瘡癰腫熱毒等醋磨傅脫精尿血夜夢鬼交
並治之水磨服小兒重舌搗口瘡灸熨之
主丈夫女子傷中絕脈筋急痛欬逆以酒服之良

臣禹錫等

謹按藥性論云鹿髓無毒日華子云髓治筋骨弱
嘔吐地黃汁煎作膏填骨髓蜜棗壯陽全有子

腎

平主補腎氣

臣禹錫等謹按日華子云腎補中
安五藏壯陽氣作酒及煮粥服

肉温

補中強五藏益氣力生者療口僻割薄之

陶隱居云野
肉之中麋鹿

可食生則不羶腥入非辰屬八卦無主而鯨能温補於
人即生死無尤故道家許魏為補過其餘肉雖牛羊雞
犬補益充肌膚於七菟皆為愆責並不足取凡肉脯炙
之不動及見水而動及暴之不燥並殺人又茅屋漏脯
藏脯蜜器中名為鬱脯並不可食唐本注云頭主消渴
煎之可作膠服之彌善筋主勞損續絕骨主虛勞可為
酒主風補虚髓脂主癰腫死肌温中四肢不隨風頭通
膝理一云不可近陰角主猫鬼中惡心腹疼痛血主狂
犬傷鼻衄折傷陰痿補虚止腰痛齒生留血氣鼠癩心
腹痛不可近丈夫除臣禹錫等謹按孟詵云鹿頭內主

消渴夜夢見物入蹄肉主脚膝疼痛肉主補中益氣力
人生肉主中風口偏不正以生椒自搗傅之專看正即
速除之九月已後正月已前堪食之也日華子云肉無
毒補益氣筋五藏生肉貼偏風左患右貼右患左貼頭
肉治煩憊多夢蹄治脚膝廢又血治
肺痿吐血及崩中帶下和酒服之良

圖經曰

鹿茸并角本經不載所出州土今有山林處皆有之四月角欲生時取其茸陰乾以形如小紫

茄子者為上或云茄子茸太嫩血氣尤未具不若分岐
如馬鞍形者有力茸不可覈其氣能傷人鼻七月採角
鹿年歲久者其角堅好灸以為膠入藥彌佳今醫家多
貴麋茸麋角力繁於鹿本經自有麋脂角條在下品鹿
髓可作酒唐方多有其法近世有服鹿血酒云於射生
者因採捕入山失道數日飢渴將委頓惟獲一生鹿刺血
數升飲之飢渴頓除及歸遂覺血氣充盛異常人有效
其服餌刺鹿頭角間血酒和飲之更佳其肉自九月以

後五月以前宜食之
月不可食其腦入面膏

雷公云

凡使先以天靈蓋作末然後鋸解鹿茸作片子
以好羊脂拌天靈蓋末塗之於鹿茸上慢火炙

之今內外黃脫了用鹿皮一片裹之安室上一宿其藥
魂歸也至明則以慢火焙之令脆方搗作末用之每五
兩鹿茸用羊脂二兩炙盡為度又制法用黃精自然汁
浸兩日夜了澆出焙令乾細搗用免渴人也鹿角使之
勝如麋角其角要黃色緊重夫好者緣比鹿食靈草所
以異其衆鹿其麋角頂根上有黃色毛若金線兼傍生
小尖也色蒼白者上注乾寧記云其鹿與遊龍相戲乃
生此異爾採得角了須全戴者並長三寸鋸解之以物
盛於急水中浸之一百日滿出用刀削去麋皮一重了
以物拭水垢令淨然後用醎醋煮七日旋旋添醋勿令
火歇戍時不用著火只從子時至戍時也日足其角白
色軟如粉即細搗作粉却以無灰酒煮其膠陰乾削了

欽定四庫全書

卷十七

重研節過用每修事十兩
以灰酒一盞煎乾為度

食療云

謹按肉九月後正月前食之則補虛羸瘦弱利
五藏調血脈自外皆不食發冷痛角主癰疽瘡

腫除惡血若腰脊痛折傷多取鹿角併截取尖錯為屑
以白蜜淹沒之微火熬令小變色曝乾擣篩全細以酒
服之輕身益力強骨髓補陽道角燒飛為丹服之至妙
但於瓷器中寸截用沈裹大火燒之一日如玉粉亦可
灸令黃末細羅酒服之益人若欲作膠者細破寸截以
饋水浸七日令軟方煮也骨溫主安胎下氣殺鬼精可
用浸酒凡是鹿
白臆者不可食

聖惠方

治腎氣虛損耳聾用鹿腎一對去脂膜切於豉
升中入粳米二合和煮粥入五味之法調和空

腹食之作羹
及酒並得

外臺秘要 療骹取鹿筋漬之索緊令大如彈丸持筋
端吞之候至骹處徐徐引之骹著筋出

又方

治消腎小便數鹿角一具炙令焦搗
篩酒服方寸匕漸漸加至一匕半

又方

治蠹蝮尿瘡燒鹿角
末以苦酒調塗之

千金方

治小兒瘡用生鹿角細末
先發時便以乳調一字服

又方

治竹木刺入肉皮中不出燒鹿角
末以水和塗立出久者不過一夕

百一方

若男女喜夢與鬼交通致恍惚者方截
鹿角屑三指撮日二服酒下食療同

又方

丹者惡毒之瘡五色無
常燒鹿角和猪脂傅之

又方

胎死得效方鹿角屑二三方
寸匕煮葱豉湯和服之立出

又方

主諸風脚膝疼痛不可踐地鹿蹄四隻燂洗如法熟煮了取肉於豉汁中著五味煑熱空腹食之

又方

主腎藏虛冷腰脊痛如錐刺不能動搖鹿角屑二大兩熬令微黃搗末空腹煖酒一盃投鹿角末方

寸匕服之日三兩服

梅師方

治人面目卒得赤黑丹如疥狀不急治搗身即死燒鹿角末猪膏和塗之

又方

治卒腰痛暫轉不得鹿角一枚長五寸酒二升燒鹿角令赤內酒中浸一宿飲之

又方

治發乳房初起微赤不急治之即殺人鹿角以水磨濁汁塗腫上赤即隨手消

孫真人食忌

鹿肉解藥毒不可久食蓋常食解毒草也

斗門方

治骨齩用鹿角為末含津嚥下妙

續千金方

治腰膝疼痛傷敗鹿茸不限多少塗
酥炙紫色為末溫酒調下一錢匕

古今錄驗

療妖魅猫鬼病人不肯言鬼方鹿角
屑持散以水服方寸匕即言實也

又方

治小兒噦鹿角粉大豆末等
分相和乳調塗妳上飲兒

兵部手集

療妬乳硬欲結膿令消取鹿角於石上磨取白汁
塗乾又塗不得手近并以人朔却黃水百許即散

深師方

療五癰取鹿厥以家酒漬炙乾內酒
中更令香含燕汁味盡更易十具愈

又方

治馬鞍瘡鹿角
灰酢和塗之

子母秘錄

療煩悶腹痛血不盡鹿角燒末豉汁
服方寸匕日二服漸加至三錢匕

楊氏產乳

療腰痛鹿角屑熬令黃赤
研酒服方寸匕日五六服

產寶

治妊娠卒腰痛方以鹿角截五寸燒令爛赤內酒一大升中浸之冷又燒赤又浸如此數過細研空

心酒調鹿角末方寸匕服

姚和衆

治小兒重舌鹿角末細篩塗舌下日三度

抱朴子云

鹿壽千歲五百歲變白

壺居士

鹿性多驚烈多別良草恒食名物諸草不食處必山崗產婦下澤饗神用其肉者以其性別清

淨故也凡餌藥之人久食鹿肉服藥必不得力所以鹿恒食解毒草能制諸藥耳名草者葛花菜鹿葱白藥苗

白蒿水芹甘草齊頭萬山蒼耳薺芫又五月勿食鹿傷神

行義曰

鹿茸他獸肉多屬十二辰及八卦首黃帝立子丑等為十二辰以名日人以名獸配十二辰傷

故麋鹿肉為肉中第一者避十二辰也味亦勝他肉三祀皆以鹿腊其義如此茸最難得不破及不出却血者蓋其力盡在血中撒時多有損傷故也茸上毛先薄以酥塗勻於烈燄中急灼之若不先以酥塗恐火焰傷茸俟毛淨微炙入藥今人亦能將麻茸偽為之不可不察也頭亦可釀酒然須作漿時稍益葱椒角為膠別有法按月令冬至一陽生麋角解夏至一陰生鹿角解各逆陰陽分各如此解落今人用麋鹿茸作一種殆疎矣凡麋鹿自生至堅完無兩月之久大者二十餘斤其堅如石計一晝夜須生數兩凡骨之類成長無速於此雖草木至易生亦無能及之豈可與凡骨血為比麋茸利補陽鹿茸利補陰凡用茸無須大嫩唯長四五寸茸端如瑪瑙紅者最佳須佐以他藥則有功

牛角腮下閉血瘀血疼痛女人帶下血燭之味苦無毒

臣禹錫等謹按蜀本云沙牛角腥味苦溫無毒主下閉
瘀血女子帶下下血燒以為灰煖酒服之藥性論云黃
牛角腥仄味苦甘無毒性溫能止婦
人血崩不止赤白帶下止冷痢瀉血

水牛角療時氣寒熱頭痛

臣禹錫等謹按藥對云水牛
角平藥決云水牛角味苦冷

無毒

髓補中填骨髓久服增年髓味甘溫無毒主安五藏平

三焦溫骨髓補中續絕益氣止洩痢消渴以酒服之

臣禹

錫等謹按孟詵云黑牛髓和地

黃汁白蜜等分作煎服治瘦病

膽可丸藥膽味苦大寒除心腹熱渴利口焦燥益目精

陶隱居云此本書牛角髓其膽本經附出牛黃條中此以類相從耳非上品之藥今按出隨例在此不關件數猶是黑書別品之限也臣禹錫等謹按藥性論云青牛膽君無毒主消渴利大小腸臘月牯牛膽中盛黑豆一百粒後一百日開取食後夜間吞二七枚鎮肝明目黑豆盛浸不計多少

心主虛忘

肝主明目 腎主補腎氣益精 齒主小兒牛癩 肉

味甘平無毒主消渴止嘔洩安中益氣養脾胃自死者

不良 尿寒主水腫惡氣用塗門戶著壁者燔之主鼠

瘦惡瘡

臣禹錫等謹按孟詵云烏牛糞為上又小兒夜啼取乾牛糞如手大安卧席下勿令母知子母

俱吉

黃犍牛烏牯牛溺主水腫腹脹脚滿利小便

陶隱居云此牛亦獠

牛為勝青牛最良水牛為可充食爾自死謂疫死肉多
毒青牛腸不可共犬肉犬血食之令人成病也唐本注
云別錄云牛鼻中木卷瘵小兒癩草老燒之為屑主小
兒鼻下瘡耳中垢主蛇傷惡鼓毒臍中毛主小兒久不
行白牛懸蹄主婦人崩中漏赤白尿主霍亂屎中大豆
主小兒癩婦人產難時牛莖主婦人漏下赤白無子烏
牛膽主明目及疔取以醱槐子服之彌佳腦主消渴風
眩齒主小兒驚癩屎主消渴黃疸水腫脚氣小便不通
也今按陳藏器本草去牛肉平消水腫除濕氣補虛今
人強筋骨壯健鼻和石鷲煮汁服主消渴肝和腹內百
葉作生薑醋食之生熱氣水氣丹毒塵丹石發熱解酒
勞五藏主人五藏黃牛肉小温補益兩脚獨肝者有大
毒食之利血至死北人牛瘦多以蛇從鼻灌之則為獨
肝也水牛則無之已前二色牛肉自死者發瘡疾瘰癧

今人成症病落崖死者良黃牛乳生服利人下熱氣冷
補潤肌止渴和蒜煎三五沸食之主冷氣瘧癰羸瘦凡
服乳必煮一二沸停冷吸之熱食則墮不欲頓服欲得
漸消與酸物相反令人腹中結癥凡以乳及溺屎去病
者黑牛強於黃牛酥堪合諸膏摩風腫跌血瘀鬪翻
更佳性滑以物盛之皆透惟雞子殼及葫蘆盛之不出
屎熟反傳灸瘡不差者水牛黃牛角鯁及在糞土中爛
白者燒為黑灰未服主赤白痢口中涎主反胃又取老
牛涎沫如棗核大置水中服之終身不噎口中齧出之
反草絞取汁服止噦本經不言黃牛鳥牛水牛但言牛
牛有數種南人以水牛為牛北人以黃牛鳥牛為牛牛
種既殊入用亦別也臣禹錫等謹按大腹痛腫通用藥
云黃牛溺寒蜀本云黃犍牛溺味苦辛微溫無毒孟詵
云牛者稼穡之資不多屠殺自死者血脈已絕骨髓已
竭不堪食黃牛發藥動病黑牛尤不可食黑牛屎反屎
只入藥又頭蹄下熱風患冷人不可食其肝醋煮食之

治瘦日華子云水牛肉冷微毒角煎治熱毒風并壯熱
角腥燒焦治腸風瀉血痢崩中帶下水瀉涎止反胃嘔
吐治噎要取即以水洗口後鹽塗之則重土出黃牛肉
溫微毒並腰脚大都食之發樂毒動病不如水牛也惟
酥乳佳骨髓溫無毒治吐血鼻衄崩
中帶下腸風瀉血并水瀉燒灰用

圖經

文具第十六卷
中牛黃條下

食療

云肚主消渴風眩補五藏以醋煮食之肝治痢腎
主補骨髓安五藏平三焦溫中久服增年以酒送

之和地黃汁白蜜作煎服之治瘦病恐是牛脂也糞主
霍亂煮飲之良婦人無乳汁取牛鼻作羹空心食之不
過三兩日有汁下無限若中年壯盛者食之良又宰之
尚不堪食非論自死者其牛肉取三片爛切將咬解糖
咬人惡馬只兩咬後頗甚剛哀苦三五頓
我其馬掙鈍不堪騎十二月勿食傷神

外臺秘要

大病後不足病虛勞補虛取七歲已下五歲已上黃牛乳一升水四升煎取一升如人飢

稍稍飲不得多
十日服不佳佳

又方

必效治上吐下利者為濕霍亂黃牛屎半升水一升煮三兩沸和牛屎濾過取汁服半升則止牛子

屎亦得

又方

治久患氣脹烏牛屎空心溫服一升日一服氣散則止

千金方

鼻中生瘡黑牛耳垢傅之良

又方

治痔臘月牛脾一具熱食之蓋差勿與鹽醬未差再作

又方

主癩痺燒牛角末酒服方寸匕

又方

五色丹名油腫若犯多致死不可輕之以尿傳之乾即易

千金翼

主瘕痺反主鼓脹滿黑牛尿一升微火煎如稠糖空心飲服一大棗許當轉病出隔日更服之

又方

治甘蟲蝕鼻生瘡取烏牛耳中垢傅之良

肘後方

治傷寒時氣毒氣手足腫疼痛欲斷牛肉裹腫處止外臺秘要同

又方

風毒脚氣若脛已滿捻之沒指但勤飲烏犍牛溺二三升使小便利漸漸當以銅器取新者為佳純

黃者亦可用

又方

癰腫未成膿取牛耳中垢封之愈

又方

治鼠瘻腫核痛若已有瘡口膿血出者以熱尿傅之日三

經驗方

痔漏張用方捷牛兒膽蝟膽各一箇用膩粉五
十文麝香二十文將蝟膽汁膩粉麝香和勻入

牛膽內懸於簷前四十九日熟旋取為丸如大麥用紙
糊送入瘡內後追出惡物是驗瘡口漸合生麵益瘡內

一過出
惡物

經驗後方

治冷痢沙角胎燒
灰粥飲調下兩錢

梅師方

治卒陰腎痛燒牛屎
末和酒傳之乾即易

又方

治霍亂吐痢不止心煩四肢逆冷黃牛屎一
升以水二升煎取一升以綿濾過去滓燂服

又方

治水腫小便澀黃牛屎飲一升日至
夜小便澀利差小者從少起勿食鹽

孫真人云

主癰發數處取牛糞燒作灰
以鷄子白和敷之乾即易

食醫心鏡

主水浮氣腫腹肚眼滿小便澀少水牛蹄一
度泡洗去毛如食法隔夜煮令爛熟取汁作

羹蹄切空心飽食又王水氣大腹浮腫小便澀少水牛
尾滌洗去毛細切作脂極熟喫之煮食不佳又牛肉

一斤熟蒸似薑腊空心食水牛皮爛煮熱蒸切於豉汁
中食之又烏捷牛尿半升空心飲之利小便又牛盛熱

時卒死其腦
食之生腸癰

菜驗方

治淋取牛耳中毛
燒取半錢水服差

孫用和方

治赤白帶下牛角髭燒令煙斷附子以鹽水
浸泡七度去皮石件等分搗羅為末每空心

酒下二
錢七

兵部手集

治水病初得危急烏
牛尿每服一合差

塞上方

主鼠螭痔牛角鯢燒作
灰末空心酒服方寸匕

姚氏方

卒得淋取牛尾燒
灰水服半錢差

又方

湯火燒灼瘡單傳濕
屎五痛止常用良

又方

治毒蛇螫人牛
丹垢傳之佳

子母秘錄

治血氣逆心煩悶滿心痛
燒水牛角末酒服方寸匕

又方

小兒白禿瘡頭上瘡圍
圍白色以牛尿傳之

產書

主難產牛糞中大豆一枚
摩作兩片一片書父一片
書子却合以少水吞之立產

耳珠先生

固牙齒法良殺牛齒三十枚
內齋瓶中煨令通赤取細研
為末水一盞末二錢匕煎令
熱含

浸牙齒冷即吐却水堅
牢或有損動者未措之

禮記

牛夜鳴則
膺不可食

丹房鏡源

云牛屎
抽銅暈

衍義曰

牛角鯁此則黃牛角鯁用火燒為黑灰微存性
治婦人血崩大便血及治病又白水牛角鼻乾濕

皆可治偏風口喎斜以火灸
熱於不患處一邊熨之漸正

角羊羖



殺羊角味鹹苦溫微寒無毒主青盲明目殺疥蟲止寒
洩辟惡鬼虎狼止驚悸療百節中結氣風頭痛及蠱毒
吐血婦人產後餘痛燒之殺鬼魅辟虎狼久服安心益

氣輕身生河西川谷取無時勿使中濕濕即有毒

芫絲為之

使唐本注云此羊角以青羖為佳餘不入藥用也臣禹錫等謹按藥性論云羖羊角使治產後惡血煩悶燒灰酒服之又主輕身治小兒驚癇又曰青羊角亦大寒日華子云牯羊角退熱治山瘴溪毒燒之去蛇

羊髓味甘溫無毒主男女傷中陰氣不足利血脈益經

氣以酒服之 青羊膽主青盲明目

唐本注云羊膽療瘡濕時行熱燥瘡

和醋服之良臣禹錫等謹按日醫通用藥云青羊膽平藥性論云青羊肝服之明目膽點眼中主赤障白膜風

淚主解

蝨毒

羊肺補肺主欬嗽

唐本注云羊肺療渴止小便數并小豆葉煮食之良

羊心止憂恚膈氣

臣禹錫等謹按日華子云心有孔者殺人

羊腎補腎氣益精髓

唐本注羊腎合脂為羹療勞痢甚效蒜齏食之一升療癥瘕臣禹

錫等謹按日華子云腎補虛耳聾陰弱壯陽益胃止小便治虛損盜汗

羊齒主小兒羊

癩寒熱三月三日取 羊肉味甘大熱無毒主緩中

乳餘疾及頭腦大風汗出虛勞寒冷補中益氣安心止

驚

唐本注云羊肉熱病差後食之發熱殺人臣禹錫等謹按孟詵云羊肉溫主風眩瘦病小兒驚癇大夫五

勞七傷藏氣虛寒河西羊最佳河東羊亦好縱驅至南方筋力自勞損安能補益人肚主補胃小便數以肥肚作羹食三五度差又云羊肉患天行及瘧人食令發熱困重致死日華子云羊肉治腦風并大風開胃肥健頭涼治骨蒸腦熱頭眩明目小兒驚癇脂治逆風并黑點

羊骨熱主虛勞寒中羸瘦 羊屎燻之主小兒洩痢腸

鳴驚癇

陶隱居云殺羊角方藥不甚用其餘皆入湯煎羊有三四種最以青色者為勝次則為羊其貌

羶羊及虜中無角羊正可取食之為藥不及都下者其乳髓則肥好也羊肝不可合猪肉及梅子小豆食之傷人心大病人唐本注云羊屎煮湯下灌療大人小兒腹中諸疾疳濕大小便不通燒之熏鼻主中惡心腹刺痛

重瘡療諸瘡中毒痔瘻等骨蒸彌良羊肝性冷療肝風
虛熱日赤闇無所見生食于肝七枚神效羊頭療風眩
疫瘵小兒驚癇骨療同羊血主女人中風血虛悶產後
血暈悶欲絕者生飲一升即活今按陳藏器本草云羊
乳補虛與小兒合之主口瘡不堪充藥為其膾故羊五
藏補人五藏用主明目縛切暴乾為末和決明子麥子
並炒香搗篩為丸每日服之去膏取皮作臠食之去風
屎燒灰沐髮長黑和雞肪塗頭生髮臣禹錫等謹按孟
詵云羊毛醋煮裹脚治轉筋角灰主鬼氣下
血日華子云牯羊糞燒灰理聾耳并晉刺

圖經曰

羖羊角出河西南谷今河東陝西及近都州郡
皆有之此謂青羖羊也餘羊則不堪取無時勿

使中濕濕則有毒羊齒骨及五藏皆溫平而主疾唯肉
性大熱時疾初愈百日內不可食食之當復發及令人
骨蒸也羊屎方書多用近人取以內鯽魚腹中无岳同
濟燒灰以塗髮髮令易生而黑甚效乳療蜘蛛咬偏身

生絲者生飲之即愈劉禹錫待信方載其效云貞元十一年余至吳支部宅坐客有崔舅外因話及此崔云日擊有人為蜘蛛咬腹大如有妊偏身生絲其家棄之乞食於道有僧救喫羊乳未幾而疾平胃主虛羸張文仲有主久病瘦羸不生肌肉水氣在腸下不能飲食四肢煩熱者羊胃湯方羊胃一枚朮一升並切以水二斗煮取九升一服一升日三三日止盡更作兩劑乃差肉多入湯濟胡合羊肉湯療寒勞不足產後及身腹中有激痛方當歸四兩生薑五兩羊肉一觔三味水一斗二升煮肉取七升去肉內諸藥煮取三升一服七合日三夜一又有大羊肉湯療婦人產後大虛心腹絞痛厥逆氣息之少皆今醫家通用者又有青羊脂丸主瘧病相易者皆大方也羊之種類亦多而羖羊亦有褐色黑色白色者毛長尺餘亦謂之羖羶羊北人引大羊以此羊為羖首又孟詵云河西羊最佳河東羊亦好縱有羶至南方筋力自勞損安能補人然今南方亦有數種羊惟淮南州

郡或有佳者可亞大羊江浙羊都少味而發疾闕廬山中出一種野羊彼人謂之羴羊其皮厚硬不堪多食肉頗肥軟益人魚主冷勞山嵐瘴癘婦人赤白下然此羊多噉石香蒿故腸臆頗熱亦不宜多食也謹按本經云羊肉甘而素問云羊肉苦兩說不同蓋本經以滋味言而素問以物生解羊性既熱熱則歸火故配於苦麥與杏薤性亦熱並同配於苦也又下條有白馬陰莖眼蹄白馬懸蹄赤馬蹄齒著頭膏鬃毛心肺肉脯頭骨采溺及牡狗陰莖膽心腦齒四蹄白狗血肉尿中骨本經並有治惟白馬莖眼懸蹄用出雲中平澤者餘無所出州土今醫方多用馬通即馬屎也及狗膽其餘亦稀使故但附見於此下

食療

角主驚邪明目辟鬼安心益氣燒角作灰治鬼氣并漏下惡血羊肉妊人勿多食頭肉平主緩中

汗出虛勞安心止驚宿有冷病人勿多食主熱風眩疾小兒疳魚補胃虛損及丈夫五勞骨熱熱病後宜食

羊頭肉壯主補胃病虛損小便數止虛汗肝性冷治肝
 風虛熱目赤暗痛熱病後失明者以青羊肝或子肝薄
 切水浸博之極效生子肝吞之尤妙主目失明取殺羊
 肝一筋去脂膜薄切以未著水新瓦盆一口指令淨鋪
 肝於盆中置於炭火上烤令脂汁盡候極乾取決明子
 半升麥子一合炒令香為末和肝杵之為末以白蜜漿
 下方寸匕食後服之日三加至三七止不過三劑目極
 明一年服之妙夜見文字并諸物其點羊即骨歷羊是
 也常患眼痛澀不能視物及羞日光并燈火光不得者
 取熟羊頭眼睛中白鍊子二枚於細石上粘棗汁研之
 取如小麻子大安眼睛主仰卧日二夜二不過三四度
 差羊心補心肺從三月至五月其中有蟲如馬尾長
 二三寸已來頁割去之不去令人痢人取皮去毛煮羹
 補虛勞煮作臠食去一切風治脚中虛風羊骨熱主治
 虛勞患宿熱人勿食髓酒服之補血主女人風血虛悶
 頭中髓發風若和酒服則迷人心便成中風也羊屎黑

人毛髮主箭鏃不出糞和鴉骨傅毛髮落三宿生白羊
黑頭者勿食之令人患腸痛一角羊不可食六月勿食
羊傷神謹按南方羊都不與鹽食之多在山中喫野草
或食毒草若此羊一二年間亦不可食食必病生爾為
其來南地食毒草故也若南地人食之即不愛也今將
北羊於南地養三年之後猶不中食何況於南羊能
堪食乎蓋土
地各然也

聖惠方

治風心煩怵惚腹中痛或時悶絕而復甦用葶
羊角屑微炒傅羅為散不計時候溫酒調下

又方

治硫黃忽發氣悶
用羊血服一合效

外臺秘要

脊肉瘰癧傷寒手足疼欲脫取羊屎煮汁以灌
之若止亦瘰癧時疾陰囊及莖熱腫亦可煮黃

藥等洗之並
除傷寒之疾

又方

治小兒疳羊膽二箇和漿水灌下部猪膽亦得

又方

救急治六行後嘔逆不下食食入即出取羊肝如食法作生淡食不過三度即止

又方

療氣癆方羊厭一具去脂含汁盡去之日一具七日含便差止

千金方

療豚肝方羊肚盛水令滿繫兩頭熟煮開取水頓服之即差

又方

治目赤及醫羊眼睛暴乾為末博兩目

又方

療目眩眩青羊肝內銅器內煮以麵餅覆面上上鑽兩孔如人眼止以日向熏之不過兩度

又方

治小兒口中涎出取白羊屎內口中

又方

治髮不生以羊屎灰淋取汁洗之二日一洗下過十度即生

又方

治被打頭青腫帖
新羊肉於腫上

又方

辟蛇治蛇到燒殺羊角
今有煙出地即去矣

又方

治木刺入肉中不出痛取乾羊
屎燒灰和豬脂調塗不覺自出

又方

治卒驚悸九竅血昏溢出
取新屠羊血熱飲二升差

肘後方

治白禿以羊肉如作脯法炙令
香及熱以搗上不過三四日差

又方

治眼暗熱病後失明以羊
膽傳之旦暮時各一傳之

又方

治誤吞釘并箭金針錢等物多食肥羊肉肥
脂諸般肥肉等自裹之必得出外臺秘要同

又方

療而目身辛得赤班或痒或癩子腫起不即治之
日甚熱人殺羊角燒為灰研令極細以雞子清和

又方

療面多肝黯如雀卵色以豉羊膽一枚酒二升合煮三沸以塗拭之日三度差

經驗後方

治五勞七傷陽氣衰弱腰無力羊腎旋蓉一兩酒浸

一宿刮去皺皮細切相和作羹葱白五味等如常法事治空腹食之

梅師方

治產後餘血攻心或下血不止心悶面青身冷氣欬絕新羊血一盞飲之三兩服妙

又方

目暗黃昏不見物者以青羊肝切淡醋食之煮亦佳

孫真人食忌

羊蹄筋膜中珠子食之令人癩羊一角者害人

食醫心鏡

主風眩羸瘦小兒驚癇丈夫五勞子足無力羊頭一枚燂洗如法蒸令熱切以五味調和

食之又主腎勞傷精竭炮羊腎一雙去脂細切於豉汁中以五味米糲如常法作羹食作粥亦得又治產後大

虛羸瘦無力腹肝痛冷氣不調又腦中風汗自出白羊
肉一觔切如常法調和醃醋食之又治風胎瘦病五勞
七傷虛驚悸白羊頭一枚罈如食法煮令及熟切於豉
汁中五味調和食之又治脾胃氣冷食入口即吐出羊
肉半觔去脂膜切作生以蒜薑五辣醬醋空腹食又主
下焦虛冷小便數瘦魚無力羊肺一具細切內少羊肉
作羹食之煮粥亦得又上下焦虛冷脚膝無力陽事不
行補益羊腎一箇熟煮和羊大兩鍊成乳粉空腹食之
甚有效又益腎氣強陽道白羊肉半觔去脂膜切作生
以蒜薑食之三日一度甚妙又主腎藏虛冷腰有轉動
不得羊脊骨一具嫩者搥碎爛煮和蒜薑空腹食之煎
飲酒少許妙又理目熱赤痛如隔紗穀看物不分明宜
補肝氣益睛青羊肝一具細起薄切以水洗漉出漉乾
以五味醬醋食之又理風眩瘦疾及小兒驚癇魚丈夫
五勞七傷羊頭一枚治如食法
煮令熟作鱠以五辣醬醋食之

兵部手集

療無故嘔逆酸水不止或吐三五口食後如此方羊屎十顆好酒兩合煎取一合頓服即

愈如未定更服看大小加減服之六七歲即五顆

子母秘錄

療產後寒熱心悶極服百病效羊角燒末酒服方寸七末產再服

姚和衆

治小兒食土方候市人各時買市中羊肉一觔以繩繫之令人著地拽至家以水洗炒炙依料

與兒喫如未喫食即煮汁餵

禮記

羊冷毛而羸羶不可食

周成王

人獻四角羊

丹房鏡源

羊脂羊銀軟銅殼羊角縮質質錫也

衍義曰

殺羊角出陝西河東謂之殺羊尤狠健毛最長而厚此羊可入藥如要食不如無角白大羊

本草不言者亦有所遺爾又同華之間有卧沙細肋其羊有角似殺羊但抵小供饌在諸羊之上張仲景治寒症用生薑羊肉湯服之無不驗又一婦人產當寒月寒氣入產門臍下脹滿手不敢犯此寒症也醫將治之以抵當湯謂其有瘀血當殺之曰非其治也可服張仲景羊肉湯少減水二服遂愈

牡狗陰莖味鹹平無毒主傷中陰痿不起令強熱大生

子除女子帶下十二疾一名狗精六月上伏取陰乾百

日

臣禹錫等謹按日華子云大陰治絕陽及婦人陰痿

膽主明目疔瘍惡瘡

臣禹錫等按鼻衄血通用藥云狗膽平藥性論云狗膽亦可單用味

苦有小毒主鼻瘡鼻中息肉五訛云膽去腸中膿水又
白犬膽和通草桂為丸服令人隱形青犬尤妙日華子

云膽主撲損

瘀血刀箭瘡

心主憂恚氣除邪

臣禹錫等謹按日華子云心治狂犬咬除邪氣風痺瘰癧鼻衄及下部瘡

腦主頭風痺下部蠱瘡鼻中息肉

齒主癩癧寒熱卒風癩伏日取之

臣禹錫等謹按癩癧通用藥云狗齒平日

華子云齒理小兒容忤燒入用

頭骨主金瘡止血

臣禹錫等謹按金瘡通用藥云狗頭

骨平蜀本云餘骨主補虛小兒驚癇止下痢藥性論云
拘頭骨使燒灰為末治久痢勞痢和乾薑荳蔻其妙見

煙為丸白飲空心下十九極效日辛

于云頭骨燒灰用亦壯陽黃者佳

四脚蹄煮飲之

下乳汁

臣禹錫等謹按下乳汁
通用藥云狗四足平

白狗血味鹹無毒主癩疾發作

臣禹錫等謹按癩病通
用藥及藥對云白狗血

溫日華子云
血補安五藏

肉味鹹酸溫主安藏補絕傷輕身益氣

臣禹錫等謹按孟詵云犬血益陽事補血脈厚腸胃實
下焦填精髓不可交食恐成消渴但和五味煮空腹食
之不與蒜同食必損損人若去血則力少不益人瘦者
多是病不堪食日華子云犬肉暖無毒補胃氣壯陽暖
腰膝補虛
勞益氣力

屎中骨主寒熱小兒驚癇

陶隱居云白狗烏狗入藥用
白狗骨燒屑療諸瘡瘻及妬

乳癰腫黃狗肉大補虛不及牡者牡者父也又呼為犬
言脚上別有一懸蹄者是也白狗血合白雞肉白鵝肝

白羊肉烏雞肉蒲子羹等皆病人不可食犬春月目赤鼻燥欲狂搗者不宜食唐本注云別錄云狗骨灰主下痢生肌傅馬瘡烏狗血主產難橫生血上捨心者下頷骨主小兒諸癩陰卵主婦人十二疾為灰服之毛主產難白狗屎主丁瘡水絞汁服主諸毒不可入口者今按陳藏器本草狗正黃色者肉溫補虛腰腎起陽道骨煎為粥熬補令婦人有子乳汁主青盲取白犬生子目未開時乳汁注目中療十年盲狗子目開即差膽壁惡瘡腎主婦人產後腎勞如瘡者婦人體熱用搗腎體冷即用犬腎肝心主狂犬咬以博瘡上屎主瘰疽徹骨痒者當燒竹灰塗瘡勿令病者知又屎和臘月搗脂傅瘰瘡又博溪毒丁腫出根頓下毛主小兒夜啼絳棗盛擊著兒兩手狗肝主脚氣攻心作生薑醋進之當洩先洩勿服之臣禹錫等謹按藥對云屎中骨平日華子云犬黃者大補益餘色微補古言著蕒涼而能補犬肉暖而不補雖有此言服終有益然奈穢甚不食者衆

圖經

文具 羖羊
角條下

唐本餘

壯狗陰莖並同白狗血主女人生子不出內酒
中服之主下痢卒風痺伏日取之主補虛小兒

驚癇止
下痢

食療

壯狗陰莖補髓肉溫主五藏補七傷五勞填骨髓
大補益氣力空腹食之黃色壯者上白黑色者次

女人妊娠勿食又上伏日採膽以酒調服之明目去眼
中膿水又主惡瘡痂痒以膽汁傅之止膽傳惡瘡能破
血中有傷因損者熱酒調半筒服瘀血盡下又犬傷人
杵生杏仁封之差比來去血食之却不益入也肥者血
亦香美即何要去血去血之後都無效矣犬自
死舌不出者食之害人九月勿食犬肉傷神

聖惠方

治眼痒急赤澁用
犬膽汁注目中

欽定四庫全書

雜考本草
卷十七

三

又方 治附骨疽及魚眼瘡
用狗頭骨燒煙熏之

又方 治婦人赤白帶下久不止用狗頭骨燒灰為
細散每日空心及食前溫酒調下一錢匕

外臺秘要

療食魚肉等成癥結在腹并諸毒氣方狗糞
五升燒未之綿裹酒五升漬再宿取清分十

服日再已後日一服使盡
隨所食癥結即便出矣

又方 療腰痛取黃狗皮炙裹腰痛處取
煖散為度頻即差也徐伯玉方同

又方 治馬鞍瘡狗牙灰酢和傅之又五
月五日取牡狗糞燒灰數傅之良

又方 治發背神驗牡狗白糞半升覺欲作腫時以煖水
升絞取汁分再服仍以滓傅上每日再為之差止

千金翼方 治產後煩悶不能食白犬骨
一味燒研以水服方寸匕

葛氏方

治久下痢經時不止者此成休息瘵之取犬骨炙令黃魚痔飲服方寸匕日三服即愈

又方

治小兒卒得癩刺取白犬血二升許含之塗身上

又方

療狗犬咬人乃殺所咬犬取腦傅之後不復發

百一方

鬼擊之病得之無漸卒著如刀刺狀胸脅腹內絞急切痛不可即按或即吐血動血下血一名

鬼排

斷白犬頭取

熱血一升飲之

又方

卒得癩瘡常對在兩脚塗白犬血立愈

經驗方

治血氣攪撮不可忍者黑狗膽一箇半乾半濕割開以篋子排丸如菽豆大蛤粉滾過每服五

丸燒生鐵淬酒下其痛立止

欽定四庫全書

證類本草

三九

經馬後方

治婦人產後血不定奔四肢并違墮
狗頭骨反以酒調下二錢匕甚效

梅師方

食鬱肉漏脯中毒燒犬屎
木酒服方寸匕聖惠方同

又方

治熱泄湯火燒瘡痛不可忍取狗毛
細剪以烱膠和毛搏之至瘡落漸差

食醫心鏡

治脾胃冷弱腸中積冷脹滿刺痛肥狗肉半
斤以米鹽豉等煮粥頻喫一兩頓又方下痢

臍下切痛狗肝一具洗細切米一升稀調煮粥空腹點
三兩合蒜喫椒葱鹽醬佳性著之又治浮腫小便澀少
精肥狗肉五斤熟蒸空腹服之又主氣水鼓脹浮腫
狗肉一斤細切和米煮粥空腹喫作羹臛喫亦佳

子母秘錄

療小兒桃李懶狗骨
頭煮湯厚頭上差

楊氏產乳

妊娠不得食狗
肉令兒無聲

魏志


河內太守劉勲女病左膝癢痒草駝視之以繩繫
犬後足不得行斷大腹取膽向瘡口須臾有蟲若

蛇從瘡上出
長三尺病愈

丹房鏡源

白狗糞
煮腸

角羊羚



羚羊角味鹹苦寒微寒無毒主明目益氣起陰去惡血
注下辟蠱毒惡鬼不祥安心氣常不魘寐療傷寒時氣
寒熱熱在肌膚溫風注毒伏在骨間除邪氣驚夢狂越
僻謬及食噎不通久服強筋骨輕身起陰益氣利丈夫

生石城山川谷及華陰山採無時

陶隱居云今出建平
宜都諸蠻中及西域

多兩角一角者為勝角甚多節感感圓繞別有山羊角
極長惟一邊有節節亦疎大不入藥用爾雅名羴羊而
羴夷云只此名羚羊角甚能陟峻短角者乃是山羊爾
亦未詳其正唐本注云爾雅云羚羊大羊羊如牛大其角
堪為鞍橋一名羴羊俗名山羊或名野羊善鬪至死又
有山驢大如鹿皮堪鞞用有兩角角大小如山羊角前

言其一邊有威文又踈慢者是此也陶不識謂山羊誤矣二種並不入藥而俗人亦用山驢角者今用細如人指長四五寸威文細者南山商祈間大有今出梁州陝州洋州亦貢之今按陳藏器本草云羚羊角主溪毒及驚悸煩悶臥不安心昏間惡氣毒癰瘰肉主蛇咬惡瘡山羊山驢羚羊三種相似醫工所用但信市人遂令湯丸或致乖舛且羚羊角有神夜宿以角掛樹不著地但取角彎中深銳緊小猶有掛痕者即是真慢無痕者非作此分別餘無佗異真角耳邊聽之集集鳴者良陶云一角者謬也臣禹錫等謹按藥性論云羚羊角味甘能治一切熱毒風攻注中惡毒風卒死昏亂不識人散產後血衝心煩悶燒末酒服之主小兒驚癇治山瘴能散惡血燒灰治噎塞不通孟詵云麝羊北人多食南人食之免為蛇蟲所傷和五味子炒之投酒中經宿飲之治筋骨急強中風又角主中風筋攣附骨疼痛生摩和水塗腫上及惡瘡良又卒熱悶屑作末研和少蜜服亦

治熱毒痢
及血痢

圖經曰

羚羊角出石城山谷及華陰山今秦隴龍蜀金山州山口皆有之戎人多捕得來貨其形似羊

也青而大其角長一二尺有節如人手指握痕又至堅勁今入藥者皆用此角謹按爾雅云麋與羚羊同太羊麋音元如羊郭璞注云麋似羊而大角圓銳好在山崖間類似吳羊而大角角楸出西方許慎注說文解字云麋大羊而細角陶隱居以角多節感圓繞者為羚羊而角極長惟一邊有節亦疎大者為山羊山羊即爾雅所謂羴羊也唐注以口邊有感文又疎慢者為山驢角云時人亦用之又以細如人指長四五寸感文細者為堪用陳藏器云羚羊夜宿以角掛木不著地但取角彎中深銳繫小猶有掛痕者是觀今市貨者與爾雅所謂羴羊陶注所謂山羊唐注所謂山驢大都相似令人相承用之以為羴羊其細角長四五寸如人指多節感感

圍繞者其間往往彎中有磨角或痕處京師極多詳本草及諸家所出此乃是真羶羊而世多不用不知其所以然者何也又陳藏器謂真角耳邊聽之集集鳴者良今牛羊諸角但殺之者聽之皆有聲不必專羶角也自死角則無聲矣

雷公

凡所用亦有神羊角其神羊角長有二十四節內有天生木胎此角有神力可抵千牛之力也

凡修事之時勿令單用不復有驗須要不折元對以繩縛之將鐵錯子錯之旋旋取用勿令犯風錯未盡處須三重紙裹恐力散也錯得了即單擣盡背風頭重篩過然入藥中用之若更研萬匝了用之更妙免刮人腸也

食療

傷寒熱毒下血末服之即差又療疝氣

外臺秘要

治噎膈羊角屑不拘多少自在末之飲服方寸匕亦可以角摩噎上良

千金方

療產後心悶不識人汗出羚羊角燒末以東流水服方寸匕未差再服

肘後方

血氣逆心煩滿燒羚羊角若水羊角末水服方寸匕

子母秘錄

治胃脇痛及腹痛熱滿燒羚羊角末水服方寸匕

又方

治小兒洞下痢羊角中骨燒末飲服方寸匕

產寶


今易產羚羊角一枚刮尖為末以酒調方寸匕

衍義曰

羚羊角今皆取有掛痕者陳藏器取耳邊聽之集集鳴者良亦強出此說未嘗遍試也今將他

角附耳皆集集有聲不如有掛痕一說盡矣然多偽為之不可不察也

角犀



犀角味苦酸鹹寒微寒無毒主百毒蠱疰邪鬼瘴氣殺
鈎吻鴆羽蛇毒除邪氣迷惑魘寐療傷寒溫疫頭痛寒

熱諸毒氣久服輕身駿健生永昌山谷及益州

松脂為之使惡

藿苗雷九陶隱居云今出武陵支州寧州諸遠山犀有二角以額上者為勝又有通天犀角上有一白縷直上至端此至神驗或云是水犀角出水中漢書所云駭雞犀者以置米中雞皆驚駭不敢啄又置屋中烏鳥不敢集屋上又云通天犀者夜露不濡以此知之凡犀見成物皆被蒸煮不堪入藥惟生者為佳雖是犀片亦是已經煮炙沉用屑乎又有特犀其角甚長文理亦似犀不堪藥用唐本注云特是雌犀文理細膩斑白分明俗謂斑犀服用為上然充藥不如雄犀也今按陳藏器本草云犀肉主諸蠱蛇獸咬毒功用劣於角本經有通天犀

且犀無水陸二種並以精麤言之通天者腦上角千歲者長且銳白星微端能出氣通天則能通神可破水駭難故曰通天抱朴子曰通天犀有白理如線者以盛米難即駭矣其真者刻為魚銜入水水開三尺其鼻角一似牛一角犀似豕三角復云多似象復如象三角陶據爾雅而言不知三角之誤也又曰雌者是兕而形不同未知的實藥性論云牯犀角君味甘有小毒能辟邪精鬼魅中惡毒氣鎮心神解大熱散風毒能治發背癰疽瘡腫化膿作水主療時疾熱如火煩悶毒入心中狂言妄語日華子云犀角味甘辛治心煩止驚安五藏補虛勞退熱消痰解山瘴炎毒鎮肝明目治中風失音熱毒風時氣發狂

圖經曰

犀角出永昌山谷及益州今出南海者為上黔蜀者次之犀似牛猪首大腹痺脚脚有三蹄色

黑好食棘其皮每一孔皆生三毛項一角或云兩角或云三角謹按郭璞爾雅注云犀三角一在頂上一在額上一在鼻上鼻上者即食角也小而不楸音墮亦有一角者嶺表錄異曰犀有二角一在額上為兕犀一在鼻上為胡帽犀牯犀亦有二角皆為毛犀而今人多傳一角之說此數種俱有粟文以文之麤細為貴賤角之貴者有通天花文犀有此角必自惡其影常飲濁水不欲照見也其文理絕好者則有百物之形或云犀之通天者是其病理不可知也文有倒插者有正插者有腰鼓插者其倒插者一半已下通正插者一半已上通腰鼓插者中斷不通其類極多足為奇異故波斯呼象牙為白暗犀角為黑暗言難識別也犀中最大者墮羅犀一株有重七八斤者云是牯犀額角其花多作撒豆斑色深者堪帶胯璆散而色淺者但可作器四耳或曰兕是犀之雌者未知的否凡犀入藥者有黑白二種以黑者為勝其角尖又勝方書多言生犀相承謂未經水火中

過者是或謂不然蓋犀有捕得殺而取者為上犀有得
其蛻角者為退犀亦猶用鹿角法耳唐相段文昌門下
醫人吳士昇因賦於南海見舵主言海人取犀牛之法
先于山路多植木如猪羊棧其犀以前脚直常依木而
息多年栢木爛犀忽倚之即木折犀倒久不能起因格
殺而取其角又云犀每自退角必培土埋之海人知處
即替作木窟角而易之再三不離其處時復有得者若
直取之則犀去於別山退藏不可尋也未知今之取犀
角果如此否

海藥

謹按異物志云山東海水中其牛樂聞絲竹彼
人動樂牛則出來以此採之有鼻角項角鼻角
為上大寒無毒主風毒攻心罷熱悶擁毒赤痢小兒
麩豆風熱驚癇並宜用之凡犀屑了以紙裹於懷中良
久合諸色藥物絕為易擣又按通天犀胎時見天上物
命過並形於角上故云通天犀也欲驗於月下以水盆

映則知通天矣正經云是山犀少見水犀五溪記云山犀者食於竹木小便即竟日不盡夷獠家以弓矢而採故曰黔犀又劉孝標言犀墮角里人以假角易之未委虛實

雷公曰

凡使勿用奴犀特犀病水犀鬱子犀下角犀淺水犀無潤犀要使烏黑肌麤皺圻裂光潤者上

凡修治之時錯其角入口中擣令細再入鉢中研萬匝方入藥中用之婦人有妊勿服能消胎氣凡修治一切

角大忌鹽也

食療

此只是山犀牛未曾見人得水犀取其角比兩種者功亦同也其生角寒可燒成灰治赤痢研為末

和水服之又主卒中惡心痛諸飲食中毒及藥毒熱毒筋骨中風心風煩悶皆差又以水磨取汁與小兒服治驚熱鼻上角尤佳肉微温味甘無毒主瘴氣百毒蟲疰邪鬼食之入山林不迷失其路除客熱頭痛及五痔諸

血痢若食過多令人煩即取麝香少許和水服之即散也

聖惠方

治雉肉作膾食之吐下用生犀角末方寸匕新汲水調下即差

外臺秘要

服藥過劑及中毒煩悶欲死燒犀角末水服方寸匕

千金方

有蠹蝮蟲尿人影著處便令人體病瘡其狀如粟粒累累一聚滲痛身中忽有處燥痛如芒刺赤如刺蟲所螫後細瘡癩作藜如茱萸子狀也四畔赤中央有白膿如黍粟赤令人皮急舉身惡寒壯熱極者連起竟腰脇胷也治之法初得磨犀角塗之止

肘後方

取忽不寤若火照之則殺人但痛齒其踵又足拇拍甲際而多唾其面即活犀角枕佳或以青

木香內枕

中并帶

廣利方

治孩子驚癇不知人迷悶嚼舌仰目者
犀角末半錢匕水二大合服之立效

抱朴子

鄭君言但習閉氣至千息久久則能居水中一
日許得真通天犀角三寸以上者刻為魚銜之

入水水常為開方三尺可得氣息水中又通天犀亦理
如緹自本徹末以角盛米著地羣雞不敢啄而輒驚故
南人名為駭雞犀是故有蟲毒之鄉於他家飲食
即以角攪之白沫堞起即為有毒無沫即無毒也

朝野僉載

鳩食水處有犀牛不濯角其水
物食之必死為鳩食蛇之故也

晉溫嶠

過牛渚磯水深不可測世云其下多怪物嶠遂
燃犀角而照之須臾見水族覆火奇形異狀或

乘馬車著赤衣者嶠其夜夢人謂已曰與君
幽明自別何意相照也意甚惡之未旬而卒

太平廣記

通天犀謂之駭雞犀以角煮毒
藥為湯皆生白沫無復毒勢

李司封

宗易嘗言石駟馬保吉知陳州其州廨一皆新之每毀舊屋則坐于下風塵自分去人皆驚怪

之蓋其新服

帶辟塵犀也

歸田錄

人氣粉犀

衍義曰

犀角凡八藥須烏色末經湯水浸煮者故曰生犀川犀及南犀紋皆細烏犀尚有顯紋者露黃

犀紋絕少皆不及西番所出紋高兩脚顯也物像黃外黑者為正透物像黑外黃者為倒透蓋以烏為正以形象肖物者為貴既曰通犀又須紋頭顯黃黑分明透不脫有兩脚滑潤者為第一鹿取茸犀取尖其精銳之力盡在是矣犀角尖磨服為佳若在湯燉則屑之西番者佳

虎骨



虎骨主除邪惡氣殺鬼疰毒止驚悸主惡瘡鼠瘻頭骨

尤良

臣禹錫等謹按鬼疰尸疰及惡瘡通用藥并藥對云虎骨平藥性論云虎骨臣殺犬咬毒味辛微熱

無毒治筋骨毒風孿急屈伸不得走疰疼痛主尸疰腹痛治溫瘧瘵傷寒溫氣

膏主狗啗瘡

爪辟惡魅

肉主惡心欲嘔益氣力

陶隱居云俗方熱食虎肉壞人齒信

自如此虎頭作枕辟惡魘以置戶上辟鬼臯懸戶上令生男骨雜朱畫符療邪鬚瘵齒痛爪以懸小兒臂辟惡是唐本注云別錄云臯主惡瘡其眼睛主癩其原中骨為眉主火瘡牙主丈夫陰瘡及疽癩臯主癩疾小兒驚癇今按陳藏器本草云虎威令人有威帶之臨官佳無官為人所憎威有骨如乙字長一寸在脅兩傍破肉取之尾端亦有不如脅者膽主小兒驚癇內及皮主瘡骨煮汁浴小兒去瘡疥鬼疰驚癇原主鬼氣眼光主驚邪

辟惡鎮心凡虎夜視以一目放光一目看物獵人候而射之弩箭繞及目光隨墮地得之者如白石是也臣禹錫等謹按孟詵云肉食之入山虎見有畏辟三十六種精魅又眼睛主瘡病辟惡小兒熱驚悸膽主小兒疳痢驚神不安研水服之骨煮湯浴去骨節風毒膏內下部治五痔下血日華子云肉味酸平無毒治瘡又睛鎮心及小兒驚啼

瘡氣容忤

圖經曰

虎骨并睛爪本經不載所出州土今有山林虎皆有之骨用頭及脰色黃者佳睛亦多偽須自

獲者乃真爪并指骨毛存之以繫小兒臂上辟惡鬼兩脅間及尾端皆有威如乙字長一二寸許此數物皆用雄虎者勝凡鹿虎之類多是藥箭射殺者不可入藥蓋藥毒浸漬骨血間猶能傷人也李絳兵部手集方有虎骨酒法治臂脰痛不計深淺皆效用虎脰骨二大兩麕搗熬黃鈴羊角一大兩屑新芍藥二大兩切細三物以

無灰酒浸之春夏七日秋冬倍日每旦空腹飲一杯冬
中速要服即以銀器物盛火爐中煖養之三兩日即可
服也又崔元亮海上方治腰脚不隨取虎腰脊骨一具
細剉訖又以斧於石上更槌碎又取前兩脚全骨如前
細槌之兩件並於鐵牀上以文炭火勻炙翻轉候待脂
出甚則投濃美無灰酒中密封春夏一七日秋冬二七
日每日空腹隨飲性多則多飲性少則少飲未飯前三
度溫飲之大戶以酒六七斗止小戶二斗止患十年已
上者不過三劑七年以下者一劑必差忌如藥法又一
方虎脛骨五六寸已來淨刮去肉膜等塗酥炙令極黃
熟細搗絹袋子盛以酒一斗置袋子於甕瓶中然
後以糖火微煎至七日後任情喫之當微利便差

雷公云

虎睛凡使須知採人問其源有雌有雄有老
有嫩有殺得者惟有毒自死者勿使却有

傷人之患夫用虎睛先於生羊血中浸一宿漉出
微微火上焙之乾搗成粉候眾藥出取合用之

食療

又主腰膝急疼煮作湯浴之或和醋浸亦良主筋骨風急痛脛骨尤妙又小兒初生取骨煎湯浴其

孩子長大無病又和通草煮汁空腹服半外覆蓋卧少時汗即出治筋骨節急痛切忌熟食損齒小兒齒生未足不可與食恐齒不生又正月勿食虎肉

聖惠方

治歷節風百節疼痛不可忍用虎頭骨一具塗酥炙黃槌碎絹袋盛用清酒二斗浸五宿隨性

多少煖飲之妙

外臺秘要

療鞭取虎骨為末水服方寸匕

又方

療肛門凸出方燒虎骨末水服方寸匕日三服良

千金翼

療燥疽著手足肩背累累如米起色白刮之汁出愈而復發虎屎白者以馬屎和之暴乾燒灰

粉之

經驗後方

白虎風走注疼痛兩膝熱腫虎脛骨塗酥炙黑附子炮裂去皮臍各一兩為末每服溫酒

調一二錢
匕日再服

又方

治小兒驚癇掣瘕以虎睛細研水調灌之良大小加減服之

梅師方

治獠犬咬人發狂如犬刮虎牙虎頭骨末酒服方寸匕服之差

勝金方

治大腸痔漏并脫肛以虎脛骨兩節蜜二兩炙令赤搗末蒸餅丸如桐子大每服凌晨溫酒下

二十九丸隔夜先和大腸後方服此藥

集驗方

療月蝕瘡虎頭骨一兩搗碎同猪脂一斤熬以骨黃取塗瘡上

張文仲

治痢久下經時不愈者此名休息取大蟲骨炙令黃焦搗末飲服方寸匕日三即愈

又方

療卒魘以虎頭骨為枕葛稚川方同

子母秘錄

小兒辟惡氣以水煮虎骨湯浴兒數數作

楊氏產乳

療小兒驚癇以虎睛一豆許火炙為末水和服之

又方

療禿瘡取虎膏塗之

姚和衆

治小兒夜啼取大蟲眼睛一隻為散以竹漚調少許與喫

又方

小兒頭瘡不差大蟲脂消令疑每日三四度塗之

抱朴子

虎壽千歲五百歲毛色變白

衍義曰

虎骨頭脛與脊骨入藥肉微鹹陳藏器所注乙骨之事及射之目光墮地如白石之說必得之

於人終不免其所誣也人或問曰風從虎何也風木也虎金也木受金制焉得不從故虎嘯則風生自然之道也所以治風攣急屈伸不得走疾癩疰驚癇骨節風毒等乃此義爾

兔



兔頭骨平無毒主頭眩痛癩疾

臣禹錫等謹按日華子云頭骨和毛髓燒為丸

催生落胎并產後餘血不下

骨主熱中消渴

臣禹錫等謹按藥性論云兔頭味甘日華

子云兔骨治瘡疥刺風鬼症

腦主凍瘡

肝主目暗

臣禹錫等謹按孟詵云肝

主明日和決明子作丸服之又主丹石人上衝眼暗不見物可生食之一如服羊子肝法日華子云肝明目補

勞治頭旋眼疼

肉味辛平無毒主補中益氣

陶隱居云兔肉為羹亦益人妊娠不可食令子肩缺

真肉不可合白雞肉食之面發黃合獺肉食之令人病遁尸唐本注云兔皮毛合燒為灰酒服主產難後衣不出及餘血搶心服欲死者極驗頭皮主鬼疰毒氣在皮中針刺者又云主鼠瘻膏主耳聾今按陳藏器本草云

兔寒平主熱氣濕痺毛燒灰主灸瘡不差骨主久疥醋
摩傅之肉久食弱陽令人色痿與薑同食令人心痛頭
主難產燒灰末酒下兔竅有五六穴子從口出今懷妊
忌食其肉者非為缺脣亦緣口出臣禹錫等謹按藥性
論云臘月肉作醬食去小兒脫豆瘡臘毛煎湯洗脫豆
瘡及毛傅良孟說云八月止十一月可食服丹石人相
宜大都損陽事絕血脈日華子
云肉治渴健脾生契壓丹毒

圖經曰

兔舊不著所出州土今處處有之為食品之上
味兔竅乃有六七穴子從口出故妊娠者禁食

之頭骨主頭眩痛癩疾腦主凍瘡肝主目闇肉補中益
氣然性冷多食損元氣不可合雞肉食之髓及膏並主
耳聾毛煎湯洗脫豆瘡毛燒灰主灸瘡久不差皮毛及
頭並燒灰酒服主難產衣不出必效方療天行嘔吐不
下食取臘月兔頭并皮毛燒令烟盡擘破作黑灰搗羅
之以飲汁服方寸七則下食不差更服燒之勿令火耗

頻用皆效無比。雀元亮海上方療消渴羸瘦小便不禁。兔骨和大麥苗煮汁服極效。又一方用兔一隻剝去皮。爪五藏等以水一斗半煎使爛骨肉相離。漉出骨肉。斟酌五升汁便澄濾令冷。渴即服之。極重者不過三兔。又下有筆頭灰。主小便不通及數而難淋。滌陰腫中惡脫肛。筆並取年久者燒灰水服之。

食療

兔頭骨並同肉味酸。謹按入月至十月其肉酒炙喫與丹石人甚相宜。注以性冷故也。大都絕

人血脈損房事令人痿黃肉不宜與薑橘同食之。令人卒患心痛不可治也。又兔死而眼合者食之殺人。二月食之傷神。又兔與生薑同食成霍亂。

聖惠方

手足蟬裂成瘡。兔腦髓生塗之。

外臺秘要

必效療婦人帶下。取兔皮燒令煙絕。搗為末。酒服方寸匕。以差為度。

肘後方

療大人小兒卒得月蝕瘡於月望夕取兔屎及內蝦蟇腹中合燒為灰末以傅瘡上差

百一方

火燒已破方取兔腹下白毛燒膠以塗毛上貼瘡立差待毛落即差

經驗方

催生丹九頭一箇臘月內取頭中髓塗於淨紙上令風吹乾通明乳香二兩碎入前乾兔髓同

研末日是臘今日先研俟夜星宿下安挿子上時果香茶同一處排定須是潔淨齋戒焚香望北帝張告云大道弟子某修合救世上難生婦人藥願降威靈佑助此藥速令生產擣告再拜用紙帖同露之更燒香至來日日出時以猪肉和丸如雞頭大用紙袋盛貯透風懸每服一丸醋湯下良久未產更用冷酒下一丸即產此

神仙方

絕驗

梅師方

兔肉合乾薑拌食之令人霍亂

食醫心鏡

消渴飲水不知足免頭骨
一具以水煮取汁飲之

博濟方

治產前滑胎臘月兔頭腦髓一箇攤於紙上令
勻候乾剪作符子於面上書生字一箇覺母腹

痛時用母釵子股上夾定燈焰
上燒灰蓋盛煎丁香酒調下

勝金方

治發腦發背及癰疽熱節惡瘡等臘月兔頭細
剉入瓶內密封惟久愈佳塗帛上厚封之熱痛

傳之如水
頻換差

集驗方

治痔疾下血疼痛不止以玩月砂不限多少漫
火熬令黃色為末每二錢入乳香半錢空心溫

酒調下日三四服差
砂即免子糞是也

子母秘錄

療產後陰下脫
燒兔頭末傳之

抱朴子

鬼壽千歲五百歲毛色變白又云兔血和女丹服之有神女二人來侍可役使之

禮記

食兔去尻

沈存中

契丹北境有跳兔形皆兔但前足寸餘後足幾尺行即用後足跳一躍數尺止則蹶然仆地生


於契丹慶州之地子使虜曰捕得數兔特歸爾雅所謂蹶兔亦曰蛰蛰巨驢也

衍義曰

兔有白毛者全得金之氣也入藥尤功餘兔至秋深時則可食金氣全也繞至春夏其味變取

四脚肘後毛為逐食餉鴟鷹至次日却吐出其意欲腹中逐盡脂肥使飢急捕逐速爾然作醬必使五味既患豌豆瘡又食此則發毒太甚恐瘵爛損人

骨狸



狸骨味甘温無毒主風疰尸疰鬼疰毒氣在皮中淫躍

如針刺者心腹痛走無常處及鼠瘻惡瘡頭骨尤良

臣禹

錫等謹按藥性論云狸骨臣亦可單用頭骨炒末治噎病不通食飲孟詵云骨主痔病作羹臠食之不與酒同食其頭燒作灰和消服二錢匕主痔又食野鳥肉中毒燒骨灰服之差炙骨和麝香雄黃為丸服治痔及瘻瘡糞燒灰主鬼瘡日華子云骨治遊風惡瘡頭骨最妙糞燒灰主寒熱瘧疾

肉療諸疰

臣禹錫等謹按蜀本云肉療鼠瘻日華子云狸肉治遊風等病又狸頭燒灰酒服治一切

風

陰莖主月水不通男子陰癩燒之以東流水服之

陶隱居云

狸類甚多今此用虎狸無用猫者猫狸亦好其骨至難
別自取方可信又有狸色黃而臭肉亦主鼠瘻及狸肉
作羹如常食法並佳唐本注云狸屎灰主寒熱鬼瘧發
無期度者極驗家狸亦好一名猫也今按陳藏器本草
云風狸溺主諸色風人取養之食果子以籠之溺如乳
甚難得似兔而短在高樹候風而吹至彼樹出邕州已
南

圖經曰

狸骨皮肉本經不載所出州土今處處有之其
類甚多以虎斑文者堪用猫斑者不佳皆當用

頭骨華佗方有狸骨散治尸疰肉主痔可作羹臠食之
南方有一種香狸人以作鱠生若北地狐生法其氣甚
香微有麝氣邕州已南又有一種風狸似兔而短多棲
息高木候風而吹過他木其溺主風然甚難取人久養
之始
可得

食療

尸疰腹痛痔瘻灸之令香末酒服二錢十服後見驗頭骨最妙治尸疰邪氣燒為灰酒服二錢

亦主食野鳥肉物中毒腫也再服之即差五月收者糞極神妙正月勿食傷神

聖惠方

治瘰癧腫硬痛疼時久不差用狸頭蹄骨等並塗酥炙令黃搏羅為散每日空心粥飲調下一

錢

外臺秘要

治痔發疼痛狸肉作羹食之良作脯食之不過三頓差此肉甚妙

肘後方

治鼠瘻腫核痛若已有瘡口膿血出者取猫一物理作羹如食法空心進之

食醫心鏡

治蝎螫人痛不止以猫兒屎塗螫處併二即差

子母秘錄

療小兒鬼疰方狸屎燒灰和臘月楮脂塗上千金方同

淮南方

狸頭治鼠瘻鼠
齧人瘡狸愈之

禮記

食狸去
正脊

衍義曰

狸骨形類貓其紋有二一如連錢者一如虎紋者此二色狸皆可入藥其肉味與狐不相遠江西一種牛尾狸其尾如牛人多糟食未聞入藥孟詵云骨理痔病作羹臠食之然則骨如何作羹臠音郝肉美也炙骨和麝香雄黃為丸服治痔及瘻瘡甚效

郢州麋骨



麋骨微溫主虛損洩精

臣禹錫等謹按藥性論云麋骨味甘無毒

肉溫補

益五藏

臣禹錫等謹按蜀本云麋肉味甘孟詵云肉亦同麋釀酒道家名為白脯惟麋鹿是也餘者不

入又其中往往得香栗子大不能全香亦治惡病其肉八月止十一月食之勝羊肉自十二月止七月食動氣

也又若瘦惡者食發痼疾也曰華子云麋肉無毒

髓益氣力悅澤人面

陶隱居云

白肉是麋言白臆易驚怖也又呼為麋言麋肉不可合鵝肉食成癥瘕也今按陳藏器本草云麋主人心鹿豪取心肝暴乾為末酒服具便即小膽若小心食之則得怯不知所為道家名白脯者麋鹿是也臣禹錫等謹按曰華子云骨補虛損益精髓悅顏色臍下有香治一切虛損

圖經曰

麋骨及肉本經不載所出州土今波澤淺草中多有之亦呼為麋麋之類甚多麋其總名也有

有牙者有無牙者用之皆同然其牙不能噬齧雀豹古
今注曰麋有牙而不能噬鹿有角而不能觸是也其肉
自八月已後至十一月以前食之勝羊肉十二月至七
月食之動氣道家以麋鹿肉羞為白脯言其無禁忌也
唐方有麋骨酒及麋髓煎
並補下其腦亦入面膏

食療

道家用供養星辰者蓋為
不管十二屬不是腥膩也

外臺秘要

主瘤病麋鹿二種肉剖如厚脯炙令熟搗
淹可四久四易痛攪出膿便俞不除更灸

新肉用
之良


子母秘錄

主乳無汁麋肉臍
食勿令婦人知

金定尺序全言

卷十七

肉豹州鄂



豹肉味酸平無毒主安五藏補絕傷輕身益氣久服利

人

陶隱居云豹至稀有為用亦鮮惟尾可貴唐本注云陰陽神豹尾及車駕鹵簿豹尾名可尊重真豹尾有

何可貴未審陶據吳理今按陳藏器本草云豹主鬼魅神邪取臯和狐臯煮服之亦主狐魅也臣禹錫等謹按孟說云肉食之令人志性麓多時消即定久食令人耐寒暑脂可合生髮膏朝塗暮生頭骨燒灰淋汁去白屑日華子云肉微毒壯筋骨強土氣令人猛健

圖經曰

豹肉本經不載所出州土今河洛唐鄆間或有之頭骨燒灰沐頭去風屑脂可合生髮藥朝塗

而暮生謹按豹有數種有赤豹詩云赤豹黃羅陸機疏云尾赤而文黑謂之赤豹有玄豹山海經云幽都之山有玄虎玄豹有白豹爾雅云貔音與豹同白豹郭璞注云似熊小頭痺脚黑白駿能食銅鐵及竹骨節強直

中實少髓皮辟濕人寢其皮可以驅溫瘧或曰豹白色者別名獬唐世多畫獬作屏白居易有贊序之不知入藥果用何類古今醫方鮮有用者今黔蜀中時有獬象鼻犀目牛尾虎足土人鼎釜多為所食頗為山居之患亦補以為藥其齒骨極堅以刀斧推鍛鐵皆碎落火亦不能燒人得之詐為佛牙佛骨以誑俚俗

食療

補益人食令人強筋骨志性麤疎食之即覺也少時消即定久食之終令人意氣麤豪惟令筋健能

耐寒暑正月
食之傷神

行義

豹肉毛赤黃其紋黑如錢而中空比比相次此獸猛捷過虎故能安五藏補絕傷輕身又有土

豹毛更無紋色亦不赤其形亦小此各自有種非能變為虎也聖人假喻而已恐醫家未喻故書之

筆頭灰年久者主小便不通小便數難陰腫中惡脫肛

淋瀝燒灰水服之

唐本先附自草部今移臣禹錫等謹按藥性論云筆頭灰微寒亦可單用

燒灰治男子交媾之夕莖痿取灰酒服之良其筆是使之者

圖經

文具免頭骨條下

外臺秘要

若小便不通數而微腫方取陳久筆頭一枚燒為灰和水服之

勝金方

催產治難產聖妙寸金散方敗筆頭一枚燒為灰細研為末研生藕汁一盞調下立產若產母

虛弱及素有冷疾者恐鷄冷動氣即於銀器內重湯煖過後服

范汪方

治喉中腫痛不得飲食燒筆頭灰漿飲下方寸匕

四種陳藏器餘

犢子臍屎主卒九竅中出血燒末服之方寸匕新生未

食草者預取之黃犢為上

姚氏方

人有九竅四肢指
岐間血出乃暴驚

所為取新生犢子未食草者臍屎暴乾燒末水
服方寸匕日四五頓差人云口鼻出血亦良

靈猫陰味辛溫無毒主中惡鬼氣飛尸蠱毒心腹卒痛
狂邪鬼神如麝用之功似麝生南海山谷如狸自為牝
牡亦云蛉狸異物志云靈狸一體自為陰陽剗其水道
連囊以酒灑陰乾其氣如麝若雜真香罕有別者用之
亦如麝焉

震肉無毒主小兒夜驚大人因驚失心亦作脯與食之
比畜為天雷所霹靂者是

萬萬亦作萬

同扶
沸反

無毒飲其血令人見鬼也亦堪染緋

髮可為頭髮出西南夷如猴宋孝建中獠子以西波尸
地高城郡安西縣主簿韋文禮進雌雄二頭宋帝曰吾
聞萬萬能負千鈞若既力如此何能致之彼土人丁鑿
進曰萬萬見人喜笑則上脣掩其目人以釘釘著額任
其奔馳候死而取之髮極長可為頭髮血堪染鞞其毛

一似獼猴人面紅赤色作人言馬聲

或作鳥字

善知生死飲

其血使人見鬼帝聞而欣然命工圖之亦比山海經爾

雅云狒狒如人被髮迅走人亦曰臬羊彼俗亦謂之山

都郭景純有讚

文繁不載

脯帶脂者薄割火上炙熟於人肉

傅癬上蟲當入脯中候其少頃揭却須臾更三五度差

證類本草卷十七

欽定四庫全書

證類本草卷十八

宋 唐慎微 撰

獸部下品總二十一種

四種神農本草經

四種名醫別錄

四種唐本先附

注云唐附

三種今附

皆醫家嘗用有
效注云今附

一種唐慎微續添

墨蓋于下是

五種陳藏器餘

凡墨蓋子以下並唐慎微續證類

豚卵

蹄足心腎膽齒膏肉等附

麋脂

角附麋肉麋骨麋茸續注

驢屎

尿乳軸垢等附唐附肉脂皮續注

狐陰莖

五藏腸屎等附

獺肝

肉附

獬膏

獬貉肉胞等附唐附

鼯鼠

音偃

鼯鼠

音羸

野猪黃

唐附

豺皮

狼附唐附

脰臍

今附脰臍獸續注

麂

頭骨附今附

野駝脂

今附

獼猴

續添

敗鼓皮

自草部今移

六畜毛蹄甲

五種陳藏器餘

諸血

果然肉


狨獸

狼筋

諸肉有毒

--	--	--	--	--	--	--	--	--

卵豚



豚卵味甘温無毒主驚癇癩疾鬼疰蠱毒除寒熱貢豚

五癘邪氣攣縮一名豚顛陰乾藏之勿令敗

懸蹄主五痔伏熱在腸腸癰內蝕臣禹錫等謹按五痔通用藥云猪懸蹄平

藥對云微寒

猪四足小寒主傷撻諸敗瘡下乳汁

心主驚邪憂恚臣禹錫等謹按日華子云心治驚癇血癖邪氣

腎冷和理腎氣通利膀胱臣禹錫等謹按孟銑云腎主人腎虛不可久食日華子云

腎補水藏暖腰膝補膀胱治耳聾雖補腎又令人少子

膽主傷寒熱渴

臣禹錫等謹按大便不通通用藥云猪膽微寒

肚主補中益氣止渴利

臣禹錫等謹按惡瘡通用藥云猪肚微溫孟詵云肚主暴痢虛

弱日華子云肚補虛損殺勞蟲止痢釀黃糯米蒸搗為丸甚治勞氣并小兒疳蛔黃瘦病

齒主小兒驚癇五月五日取

臣禹錫等謹按驚癇通用藥云猪齒平日華子云齒

治小兒驚癇燒灰服并治蛇咬

鬻膏生髮

臣禹錫等謹按髮禿落通用藥云猪鬻膏微寒

肪膏主煎諸膏藥解斑猫茺青毒

豶猪肉味酸冷療狂病

凡猪肉味苦主閉血脈弱筋骨虛人肌不可久食病人

金瘡者尤甚

猪尿

臣禹錫等謹按黃疸通用藥云猪尿寒

主寒熱黃疸濕痺

陶隱居云猪為用最多惟肉不宜食人多食皆能暴肥此蓋虛肥故也

其胸能悅皮膚作手膏不皸裂肪膏煎藥無不用之勿令水中臘月者歷年不壞頸下膏謂之負草肪入道家

用其尿汁療溫毒熱食其肉飲酒不可卧秫稻糠中又白猪白蹄雜青者不可食之猪膏又忌烏梅唐本注云

別錄云猪耳中垢主蛇傷猪腦主風眩腦鳴及凍瘡血主賁豚暴氣中風頭眩淋瀝乳汁主小兒驚癇病乳頭

亦主小兒驚癇及鬼毒去來寒熱五癰五藏主小兒驚癇發汗十二月上亥日取肪胎內新瓦器中埋亥地百

日主癰疽名脰音甌同脂方家用之又一升脂著雞子
白十四枚更良今按陳藏器本草云猪肉寒主壓丹石
解熱宜肥熟人食之殺藥動風肝主脚氣空心切作生
以薑醋進之當微洩若先痢即勿服膽主濕壘病下膿
血不止乾嘔羸瘦多睡面黃者取膽和生薑汁醃醋半
合灌下部手急捻令醋氣上至咽喉乃放手當下五色
惡物乃蟲子又主瘦病嗽嗽取膽和小便生薑橘皮訶
梨勒桃皮煮服又主大便不通取猪羊膽以葦筒著膽
縛一頭內下部入三寸灌之入腹立下又主小兒頭瘡
取膽汁傅之猪脰音夷主肺痿欬嗽和棗肉浸酒服之
亦能主疰癰羸瘦又堪合膏練綿帛臘月猪脂殺蟲久
留不敗猪黃主金瘡血痢野猪脂酒服下乳汁可乳五
兒齒反主蛇咬臣禹錫等謹按孟詵云犬猪頭主補虛
乏氣力去驚癇五痔下丹石又腸主虛渴小便數補下
焦虛竭又云東行毋猪糞一升宿浸去滓頓服治毒黃
熱病日華子云猪涼微毒肉療水銀風并掘土土坑內

惡氣久食令人虛肥動風氣又不可同牛肉煮食令人
生寸白蟲又脂治皮膚風殺蟲傳惡瘡又腸止小便秘
下焦生血療賁狝氣及海外瘴氣又乳治小兒驚癇病
及大人猪癩病蠶治天行熱病黃疸蟲毒東行牝猪
者為良巢內有草治小兒夜啼安席下
勿令母知大凡野猪肉食勝圈豢者

圖經曰

豚卯本經不載所出州土云一名豚顛陰乾藏
之勿令敗謹按揚雄方言云猪燕朝鮮之間謂

之豨闕東西謂之豨或謂之豨南楚謂之豨音喜其子
謂之豨音吳揚之間謂之猪子其實一種也今云豚
卯當是猪子也猪之屬為用最多惟肉不宜食食之多
暴肥蓋風虛所致也心熱主血不足補虛劣不可多食
能耗心氣又不與吳茱萸合食肺微寒能補肺得大麻
子良不與白花菜合食令人氣滯發霍亂肝温主冷洩
久滑赤白乳婦赤白下方用子肝一葉薄批之搵著煨
熟訶子木中微火炙又搵炙盡半兩木止空腹細嚼陳

米飲送下亦主冷勞腹藏虛者脾主脾胃虛熱以陳橘
皮紅生薑人參葱白切拍之合陳米水煮如羹去橘皮
空腹食之腎補虛升氣消積滯冬月不可食損人真氣
兼發虛壅壯主骨蒸熱勞血脈不行補羸助氣四季宜
食張仲景有猪肚黃連丸是也骨髓寒主撲損惡瘡懸
蹄主痔腸癰內蝕四蹄主行婦人乳汁滑肌膚去寒熱
廣濟方載其法云婦人乳無汁者以猪蹄四枚治如食
法以水二斗煮取一斗去蹄土爪根通草漏蘆各三兩
以汁煮取六升去滓內葱白豉如常著少米煮作稀葱
豉粥食之食了或身體微熱熟有少汗出佳乳未下更
三兩劑大驗肪膏主諸惡瘡利血脈解風熱潤肺入膏
藥宜臘月亥日取之腸藏主大小腸風熱宜食之脰寒
主肺氣乾脹喘急潤五藏去皴皯點黥并肪膏並殺斑
貓地膽亭長等毒然男子多食之損陽崔元亮海上方
著猪脰酒療冷痢久不差方云此是脾氣不足暴令入
脾舌上生瘡飲食無味縱喫食下還吐小腹雷鳴時時

心悶乾皮細起膝脛酸疼兩耳絕聲四肢沉重漸瘦劣
重成鬼氣及婦人血氣不通逆飯憂煩常行無力四肢
不舉開天瘡癰肉肋虛脹變為水氣服之皆效驗此法
出於傳屍方取猪脰一具細切與青蒿葉相和以無灰
酒一大升微火溫之乘熱內猪脰中和蒿葉相共煖使
消盡又取桂心一小兩別搗為末內酒中每日平旦空
腹取一小盞服之午時夜間各再一服甚驗忌熱麩油
膩等食膳大寒主骨熱勞極傷寒及渴疾小兒五疳殺
蟲齒主小兒驚癇燒灰服之尿主寒熱黃疸濕痺令人
取端午日南行猪零合太一丹是也煇猪湯解猪毒蟲
魔凡猪骨細少筋多膏大者有重百餘斤食物至寡故
人畜養之甚易生息爾雅曰羴五尺為羴郭璞注云尸
子曰大豕為羴今漁陽呼猪大者為羴是也又下野猪
黃條主金瘡又云大寒有毒一名豪猪髮間有豪如箭
能射人陝洛江東諸山中並有之肉亦甘美
多膏皆不可多食發風氣利大腸令人虛羸

食療

肉味苦微寒壓丹石療熱閉血脈虛人動風不
可久食令人少子精發宿癩主療人腎虛肉發

痰若患瘧疾人切忌食必再發又云江猪平肉酸多食
令人體重令補人作脯多皆不識但食少有腥氣又舌
和五味煮取汁飲能健脾
補不足之氣令人能食

聖惠方

治蛇入口并入土孔中割母
猪尾頭瀝血入口中即出

又方

治少陰病下痢咽痛胃滿心煩猪膚一斤以水一
斗煮取五升去滓加白蜜一升粉五合熬香和勻

相得温
分六服

外臺秘要

療毒熱病攻手足腫疼痛欲
脫方猪膏和羊屎塗之亦佳

又方

療盲猪膽一枚微火上煎之可
丸如黍米大內眼中食頃良

又方

治醫如重者取猪膽白皮曝乾合作小繩子如麤
灸肢大小燒作灰待冷便以灰點醫上不過三五

度即

千金方

治被打頭青腫灸猪
肉熱搗之又貼猪肝

千金翼

老人令面光澤方大猪蹄一具洗淨理如食法
煮漿如膠夜以塗面曉以漿水洗面皮急矣

又方

治髮薄不生先以酢泔清淨洗禿處以生布揩令
大熟臘月猪脂細研入生鐵煮沸三二度傳之偏

生

又方

治漏方以臘月猪脂紙
取內瘡孔中日五夜三

又方

治手足皴裂血出疼痛若冬月冒涉凍凌面目手
足瘰壞及熱疼痛皆治取猪腦髓著熱酒中以洗

差之

肘後方

治毒攻手足腫疼痛欲斷猪蹄一具合葱煮去滓內少許鹽以漬之

又方

治卒腫病身面皆洪大生猪肝一具細切頓食之勿與言乃可用苦酒炒

又方

疸病有五有黃疸穀疸酒疸黑疸女勞疸黃汗身體四肢微腫腎滿不得汗汗出如黃藥汁色大汗

出卒入水所致猪脂一斤令溫熱盡服之日三當下則稍愈

又方

葛氏疥瘡猪膏煎芫花塗

又方

若女子陰中苦痒搔之痛間取猪肝炙熱內陰中當有蟲著肝出

又方

療手足皴裂面出血痛方以酒按猪膜洗并服

又方

小便不通猪膽大如雞子者內熱酒中服姚云亦療大便不通

又方

胞衣不出腹滿則殺人但多服胎佳

又方

小兒頭生白禿髮不生臘月猪尿燒末傅之

經驗方

療男子水藏虛憊遺精盜汗往往夜夢鬼交取續猪腎一枚以刀開去筋膜入附子末一錢外

以濕紙裹煨熟空心頓熱服之便飲酒一盞多亦為妙三五服

經驗後方

定喘化痰猪蹄甲四十九箇淨洗控乾每箇指甲內半夏白礬各一字入罐子內封閉勿

令煙出火煨通赤去火細研入麝香一錢匕人有上喘咳嗽用糯米飲下小兒半錢至妙

又方

陰痿羸瘦精髓虛弱四肢少力猪腎一對去脂膜切枸杞葉半斤用豉汁一大盞半相和煮作羹入

鹽椒葱空
腹食之

梅師方

蜈蚣入耳以猪脂肉
炙令香掩耳自出

又方

蟻子入耳以猪羊脂
炙令香安耳孔自出

又方

猪腎後虛勞骨節疼痛汗出不止取
猪腎造晞臙以葱豉米如法食之

又方

治癰諸疽發背或發乳房初起微赤不急治之即
殺人母猪蹄兩隻通草六分以綿裹和煮作羹食

之

又方

治熱病有蜚上下蝕人猪膽一枚苦酒
合同煎三兩沸滿口飲之蟲立死即愈

孫真人食忌

云不可常食猪肉白猪白蹄者不可食
也又云臘月肪脂殺蟲可煎膏用之

食醫心鏡

主脾胃氣虛食即汗出猪肝一斤薄起於瓦上爆令熟乾搗篩為末煮白粥布絞取汁和

衆手丸如梧桐子大空心飲下五十九日五服又主脾胃氣冷喫食嘔逆下赤白痢如麩糊腰臍切痛猪腎一對研著胡椒橘皮鹽醬椒末等搜麩似常法作餛飩熟煮空腹喫兩椀立差又主消渴日夜飲水數斗小便數瘦弱猪肚一枚淨洗以水五升煮令爛熟取二升已來去肚著少豉湯即飲之肉亦可喫又和鹽著五味煮粥食之佳又主水氣脈滿浮腫猪肝一具煮作羹任意下飯又主上氣咳嗽胃膈妨滿氣喘猪肉細切作羹子於猪脂中煎食之又猪肪脂四兩煮百沸以來切和醬醋食之又治一切肺病咳嗽膿血不止猪胰一具削薄竹筒盛於糖火中炮令極熟食上喫之又理腫從足始轉上入腹猪肝一具細切先布緌更以醋洗蒜齏食之如食不盡三兩頓食亦可也又理浮腫脹滿不下食心悶猪肝一具洗切作齏著葱白豉薑椒熟炙食之又以熟

水煮單突亦得又煮猪膂一雙切作生以蒜齏食之又
理產後中風血氣驚邪愛悸氣逆猪心一枚切於豉汁
中煮五味糝調和食之又治小兒驚癇發動無時猪乳
汁三合以綿纏浸令兒吮之雖多尤佳又理肝藏壅熱
目赤疼痛兼明目補肝氣用猪肝一具細起薄切以水
淘漉出漉乾即以五味醬醋食之又理狂病經久不差
或歌或笑行走不休發動無時用撮猪肉一斤煮令熟
細切作膾和醬醋食之或羹粥妙任性服之又補虛氣
乏去驚癇豆牙猪頭一枚治如食法
煮令極熟停冷作膾以五棘醋食之

范注 療鼠瘻瘰癧取臘
月猪膏調塗之

傷寒類要 療小兒寒熱及熱氣中人猪後蹄
燒灰末以乳汁調一撮服之效

又方 療男子女人黃疸病醫不愈耳目悉黃食飲不消
胃中脹熟生黃衣蓋胃中有乾屎使病爾用煎猪

脂一小升溫熱頓服之
日三燥尿下去乃愈

千金髓

治胎孕九箇月將產消息用猪肚一箇依常法
着葱五味煮熟食之食不盡再食不與別人食

子母秘錄

療吹妳惡寒壯熱猪肪脂以
冷水浸搗之熱即易立效

姚和衆

小兒初生猪膽一枚以水七升煎
取四升澄清浴兒令永無瘡疥

譚氏小兒方

療腕豆瘡取肉爛煮
取汁洗之乾脯亦得

禮記云

豕望視而交睫腥不
可食又云食豚去腦

麋脂味辛溫無毒主癰腫惡瘡死肌寒風濕痺四肢拘

緩不收風頭腫氣通腠理柔皮膚不可近陰令痿一名

官脂

畏大黃臣禹錫等謹按孟詵云麋肉益氣補中治腰脚不與雉肉同食謹按肉多無功用所食亦微

補五藏不定氣多食令人弱房發汁氣骨除虛勞至效可煮骨作汁釀酒飲之令人肥白美顏色

角味甘無毒主痺止血益氣力生南山山谷及淮海邊

十月取

陶隱居云今海陵間最多千百為羣多牝少牡人言一牡輒交十餘牝交畢即死其髓墮土中

經年人得之方好名曰道脂酒服至良尋麋性乃爾壯健不應痿人陰一方言不可近陰令陰不痿此乃有理
麋肉不可令取反生菓梅李菓實食之皆病人其角刮取屑熬香酒服之大益人事出彭祖傳中唐本注云麋茸服之功力勝鹿茸煮為膠赤勝白膠言遊牝畢即死者此亦虛傳遍詢山澤人不聞遊牝因致死者臣禹錫等謹按孟詵云其角補虛勞填髓理角法可五寸截之中破灸令黃香後末和酒空腹服三錢匕若卒心痛一

服立差常服之令人赤白如花益陽道不知何因與肉
 功不同爾亦可煎作膠與鹿角膠同功茸甚勝鹿茸仙
 方甚重又丈夫冷氣及風筋骨疼痛作粉長服又於漿
 水中研為泥塗面令不皺光華可愛又常俗人以皮作
 靴熏脚氣陳士良云麋大熱日華子云角添精補髓益
 血氣暖鹿脂悅色壯陽療風氣偏治丈夫勝鹿角按月
 令麋角屬陰夏至角解蓋一陰生
 也治腰膝不仁補一切血病也

圖經

文具第十七
 卷鹿茸條下

肘後方

葛氏療年少氣盛面
 皮皴瘡塗麋脂即差

經驗方

治老人骨髓虛竭補益麋茸煎麋茸五兩去毛
 塗酥炙微黃為末以清酒二升於銀鍋中慢火

熬成膏盛甕器中每服半
 匙溫水調下空心食前服

何君謨

云按禮記月令仲夏鹿角解仲冬麋角解日華子謂麋角夏至解誤矣疏曰據熊氏云鹿是山

獸夏至得陰氣而解角麋是澤獸故冬至得陽氣而解角今以麋為陰獸情淫而遊澤冬至陰方退故解角從陰退之象鹿是陽獸情淫而遊山夏至得陰而解角從陽退之象

沈存中筆談

麋茸利補陽鹿茸利補陰壯骨血堅陽道強骨髓茹茸太嫩長數寸破之如朽木端

如瑪瑙紅

玉者最善

青麋

大鹿也不如麋似麋有毒

驢屎熬之主慰風腫癭瘡屎汁主心腹卒痛諸症忤屎

主癥癖胃反吐不止齒痛水毒

牝驢屎主燥水

駁驢屎主濕水一服五合良燥水者書體成字濕水者

不成字

乳主小兒熱急黃等多服使痢

臣禹錫等謹按蜀本云味甘性冷利療消渴驢

色類多以烏者為勝蕭炳云驢乳主熱黃小兒熱驚邪赤痢日華子云乳治小兒癩客忤天吊風疾

尾下軸垢主瘡水洗取汁和麩如彈丸二枚作燒餅瘡

未發前食一枚至發時食一枚療瘡無久新發無期者

今按陳藏器本草云驢黑者溺及乳並主蜘蛛咬以物盛浸之瘡亦取驢溺處臭泥傅之亦佳蚰蜒入耳取驢

乳灌耳中當消成水唐本先附臣禹錫等謹按孟詵云
肉主風狂憂愁不樂能安心氣又頭燭去毛煮汁以漬
麴醞酒去大風又生脂和生椒熟搗綿裏塞耳中治積
年耳聾狂癲不能語不識人者和酒服三升良皮覆患
瘡人良又和毛煎令作膠治一切風毒骨節痛呻吟不
止者消和酒服良又骨煮作湯浴漬身治歷節風又煮
頭汁令服三二升治多年消渴無不差者又脂和烏梅
為丸治多年瘡未發時服三十九丸又頭中一切風以毛
一斤炒令黃投一斗酒中漬三日空心細細飲使醉以
覆卧取汗明日更依前服忌陳倉米麥麩等日華子云
驢肉涼無毒解心煩上風狂釀酒治一切風脂傳惡瘡
疥及風腫頭汁洗頭風風癩皮煎膠食治一切風并鼻
洪吐血腸風血
痢及崩中帶下

食療云

卒心痛絞結連腰臍者
取驢乳三升熱服之差

外臺秘要

治反胃昔幼年經患此疾每服食餅及羹粥等須臾吐出貞觀中許奉御兄弟及柴蔣等

家時稱名醫奉勅令治罄竭所患竟不能療漸羸德候絕朝多忽有一衛士云服驢小便極驗日服二合後食唯吐一半晡時又服二合人定時食粥吐即便定迄至今日午時奏知之大內中五六人患反胃同服一時俱差此藥稍有毒服時不可過多盛取尿及熬服二合病深七日以來服之良後來療人並差

又方

斷酒用驢鬃衣燒灰酒服之

千金方

治眼中瘵肉驢脂石鹽和勻注兩背頭日夜三一月差

又方

治身體手足腫以脂和鹽傳之

經驗方

治飲酒過度欲至穿腸驢蹄硬處削下者以水濃煮汁冷飲之襄州散將藥小蠻得此方效

又方

蝮蝥以驢耳垢傳之
差崔給事傳

食醫心鏡

主中風頭眩心浮熱手足無力筋骨煩疼
言語似澁一身動搖烏驢頭一枚煨洗如法

蒸令極熟細切更於豉汁內煮著五味調點少酥食又
主中風手足不隨骨節煩疼心躁口面喎斜取烏驢皮
一頓煨洗如法蒸令極熟切於豉汁中著五味和調煮
空心食之又主風狂憂愁不樂能安心氣驢肉一斤切
於豉汁內煮五味和腌
醋食之作醬及煮並得

簡要濟衆

治小兒解廩不合驢蹄不計多少燒灰
研以生油和傳於頭骨縫上以差為度

廣利方

治心熱風癩黑驢乳食
上煖服三大合日再服

傷寒類要

治黃白藥不差煮驢頭熟以
薑蘘嗽之并隨多少飲汁

欽定四庫全書

雜類本草

衍義曰


驢肉食之動風脂肥尤甚屢試屢驗日華子以

其發散皮膚之外也仍須烏者用烏之意如用烏雞子

烏蛇烏鵒之類其性俱治風然更取其水色蓋以制其

熱則生風之義

狐



狐陰莖味甘有毒主女子絕產陰痒小兒陰頰卵腫

五藏及腸味苦微寒有毒主蠱毒寒熱小兒驚癇

雄狐屎燒之辟惡在木石上者是

陶隱居云江東無狐皆出北方及益州間

形似狸而黃亦善能為魅唐本注云狐肉及腸作臙食之主疥瘡久不差者腸主牛疫燒灰和水灌之乃勝狐鼻尖似小狗惟大尾全不似狸臣禹錫等謹按陰潰通用藥云狐陰莖微寒孟詵云狐補虛煮炙食之又主五藏邪氣患蠱毒寒熱宜多服之日華子云狐暖無毒相虛勞治惡瘡疥隨藏而補頭尾灰治牛疫以水飲心肝生服治狐魅雄

狐尾燒辟惡

圖經曰

狐舊不著所出州郡陶隱居注云江東無狐皆出北方及益州今江南亦時有京洛尤多形似

黃狗鼻尖尾大北土作鱠生食之甚暖去風補虛勞陰
莖及五藏皆入藥肝燒灰以治風令人作狐肝散用之
膽主暴亡續傳信方云臘月收雄狐膽若有人卒暴亡
未移時者溫水微研灌入喉即活常須預備救人移時
即治無及矣雄狐屎燒之辟惡在木石上者是也崔元
亮海上方治五種心痛云肝心痛則顏色蒼蒼如死灰
狀而喘息大用野狐糞二升燒灰薑黃三兩擣研為末
空腹酒下方寸匕日再服甚效狐之類獾音湍似犬而
矮尖喙黑足褐色與獾貉三種而大抵相類頭足小別
郭璞注爾雅云獾一名獾乃是一物然方書說其形差
別也貓肉主虛勞行風氣利藏腑殺蟲膏主上氣欬逆
脂主尸疰胞主吐蟲毒獾肉主小兒疴瘦嗽之殺虵蟲
貉肉主元藏虛劣及女子虛憊方書亦稀用之

唐本餘

雄狐糞燒之去瘟疫病狐鼻尖似狗而黃長
惟尾太善為魅雄狐糞在竹木間石上尖頭

堅者是也

食療

肉温有小毒主瘡疥補虛損及女子陰痒絕產小兒癩卵腫煮炙任食之良五葸邪氣服之便差空

心服之佳腸肚微寒患瘡疥久不差作羹臙食之小兒驚癇及大人見鬼亦作羹臙食之良其狐魅狀候或又手有禮見人或於靜處獨語或裸形見人或祇揖無度或多語或緊含口又手坐禮度過常尿尿亂投此之謂也如馮疫亦同灌鼻中便差頭燒辟邪

聖惠方

治惡刺用狐唇杵和鹽封之

千金方

惡刺取狐尿灰臘月膏和封孔上

又方

治一切惡瘻中冷瘧肉用正月狐糞不限多少乾末食前新汲水下一錢匕

食醫心鏡

治驚癇神情恍惚語言錯謬歌笑無度兼五藏積冷蠱毒寒熱狐肉一片及五藏治如食

法豉汁中煮五味和作羹或作粥灸食並得京中以羊骨汁鯽魚替豉汁

衍義曰

狐今用肝治風皮兼毛用為裘者是也此獸多疑極審聽人智出之以多疑審聽而捕取捕者

多用置

獺



獺肝味甘有毒主鬼疰蠱毒却魚鯁止久嗽燒服之臣

錫等謹按藥性論云獺肝君味鹹微熱無毒能治上氣咳嗽勞損疾尸疰瘰癧其骨治嘔噦不止藥對云獺肝平孟詵云獺肝主疰病相染一門悉患者以肝一具炙末以水和方寸匕服之日再服謹按服之下水脹但熱毒風虛服之即差若是冷氣虛脹食益虛腫甚也只治熱不治冷不可一槩爾日華子云獺肝治虛勞并勞尸

肉療疫氣温病及牛馬時行病煮尿灌之亦良

陶隱居云獺有

兩種有獺音賓獺形大頭如馬身似蝙蝠不入藥用此當取以魚祭天者其骨亦療食魚骨鯁有牛馬家可取屎收之多出溪岸邊其肉不可與兔肉雜食唐本註云別錄云獺四足主手足輝裂今按陳藏器本草云獺主

魚骨鯁不可出者取足於項下爬之亦煮汁食皮毛主
水瘡病者作禱及履屨著之并煮汁服屎主魚臍瘡研
傅之亦主驢馬盡穎細研灌鼻中臣禹錫等謹
按日華子云獺肉平無毒治水氣脹滿熱毒風

圖經曰

獺舊不著所出州土今江湖間多有之北土人
亦馴養以為玩廣雅一名水狗然有兩種有獺

音賓獺或作獺音頻獺形大頭如馬身似蝙蝠淮南子
云養池魚者不畜獺獺許慎注云獺獺類是也入藥當
以取魚祭天者其肉性寒主骨蒸熱勞血脈不行營衛
虛滿及女子經絡不通血熱大小腸秘澁然消陽氣不
益男子宜少食五藏及肉皆寒惟肝溫主傳尸勞極四
肢寒瘧虛汗客熱亦主產勞諸畜肝皆葉數定惟此肝
一月一葉十二月十二葉其間又有退葉用之須見形
乃可驗不爾多偽也張仲景有治冷勞獺肝丸方又主
鬼疰一門相染者取肝一具炙炙之水服方寸七日再
崔氏治九十種蠱疰及傳尸骨蒸伏連殭殍諸鬼毒癘

疫等癩肝丸二方俱妙腎主益男子足主魚骨鯁項下
爬亦煮汁飲之皮毛主水瘡病尿主魚臍瘡膽主眼醫
黑花飛蠅上下視物
不明亦入點藥中

食療

患咳嗽者燒為灰酒服之肉性寒無毒煮汁治
疫及牛馬疫皆煮汁停冷灌之又若患寒熱毒

風水虛脹可即取水獺一頭剥去皮和五藏骨頭
尾等炙令乾杵末水下方寸匕日二服十日差

外臺秘要

治魚骨鯁含
水獺骨即下

千金翼

治鬼魅水服獺
肝末日三服差

經驗後方

治折傷水獺一個用罐子內以泥固濟放乾
燒灰細末以黃米煮粥於傷處傅以水獺一

錢末粥上糝便用帛
子裏緊立止疼痛

肘後方

尸疰鬼疰病者葛洪云是五尸之一疰又挾諸鬼邪為害其病變動乃有三十六種至九十九

種大畧使人寒熱淋瀝沈沈默默然不的知其所苦而無處不惡累年積月漸就頓滯以至於死死後傳以傍人乃至減門覺如此候者便宜急治攬肝一具陰乾杵末水服方寸匕日三未差再作姚云神效

又方

治腸痔大便常有血燒攬肝服一錢匕

又方

療牛疫疾攬尿二升湯淋取汁灌之

古今錄驗

療重下下赤者取攬赤糞下白者取白糞燒末清旦空腹以飲服一小杯三旦飲之愈

子母秘錄

易產令母帶攬皮

酉陽雜俎

云吳孫和寵鄧夫人嘗醉舞如意誤傷鄧頰血流啼叫彌苦命吳太醫合藥曰得白攬髓

雜玉與琥珀屑當減此痕和以百金購得白
獼合膏琥珀太多及差不減左頰赤點如痣

衍義曰

獼四足俱短頭與身尾皆褊毛色若故氍毹大
者身與尾長三尺餘食魚居水中出水亦不死

亦能休於大木上世謂之水獼嘗廉置大水甕中於其
間旋轉如風水謂之成旋攏起四面高中心凹下觀者
駭目皮西戎將以飾毳服領袖問之云指不着如風靈
醫目即就袖口飾目中即出人毛端果不着塵亦一異
也又本草序例言獼膽分盃嘗試之不驗惟塗於盃唇
但使酒稍高于盃面分盃之事亦古今傳誤言也不可
不正之肝
用之有驗

獼音肉胞膏味甘平無毒主上氣乏氣欬逆酒和三合

服之日二又主馬肺病蟲癩等病

肉主久水脹不差垂死者作羹臠食之下水大效

脆乾之湯摩如雞卵許空腹服吐諸蠱毒

今按陳藏器本草云獐脂

主傳尸鬼氣症忤銷於酒中服之亦殺馬漏脊蟲瘡服丹石人食之良一名獐狔極肥也唐本先附臣禹錫等謹按孟詵云獐主服丹石勞熱患赤白痢多時不差者可煮肉經宿露中明日空腹和醬食之一頓即差又瘦人可和五味煮食令人長脂肉肥白魯服丹石可時時服之丹石惡發熱服之妙

食療

肉平味酸骨主上氣咳嗽炙未酒和三合服之日二其嗽必差

聖惠方

治十種水不差垂死用獐肉半斤切麩米三合水二升葱椒薑豉作粥食之

食醫心鏡

主肺痿上氣氣急煎成獐猪膏一合煖酒和服

衍義曰

狍肥矮毛微
短悶蒸食之極美
貉形如小狐毛黃褐色野獸

中獐肉最甘
美仍益瘦人

鼠鼯



鼯

音偃

鼠味鹹無毒主癰疽諸瘻蝕惡瘡陰蠱爛瘡在土

中行五月取令乾燻之

陶隱居云俗中一名隱鼠一名鼯扶粉切鼠形如鼠大而無尾

黑色長翼甚強常穿耕地中行討掘即得今諸山林中有獸大如水牛形似猪灰赤色下脚似象胷前尾上皆白有力而銑亦名鼯鼠人長取食之肉亦似牛肉多以作脯其膏亦云主瘻乃云此是鼠玉其精溺一滴落地輒成一鼠殺有鼠灾年則多出恐非虛爾今按陳藏器本草云鼯鼠肉主風久食主瘡疥痔瘻膏堪摩諸惡瘡本經所說即是小於鼠在地中行者陶亦云形如鼠尾黑常穿耕地中討掘即得如經所言乃是今之鼯鼠小口尖者其鼯鼠是獸非鼠之儔大如牛前脚短皮入鞞轡用莊子云飲河滿腹者又隱鼠陰穿地而行見日月光則死於深山林木下土中有之生大瘻瘡陶又云此是鼠王其弱精一滴成一鼠灾年則多是處皆有又能

土中行今博訪山人無精弱成鼠事亦不能土中行此
是人妄說陶聞而記爾既小鼯鼠亦是鼯鼠即是有二
鼯鼠物異名同爾臣禹錫等謹按蜀本云行土中又五
六月取燭之必是鼯鼠非鼯鼠也又其皮作腰帶鞞其
形既大豈可行於土中并得而燭也蓋一名
隱鼠隱鼠相近而誤之耳陳士良云鼯鼠寒

圖經曰

鼯音偃鼠舊不著所出州土云在土中行者今
處處田壠間多有之一名鼯扶粉切鼠爾雅鼠

鼯鼠是其一郭璞云地中行者化為鴛者皆為此也其
形類鼠而肥多膏色黑口鼻尖大常穿地行旱歲則為
田害肉性寒主風熱久積血脉不行結成瘡疽食之可
消去小兒食之亦殺虵蟲獸類中亦有一種名鼯鼠似
牛而鼠首足黑色大者千斤多伏於水又能堰水拔沫
出滄州及胡中被人取其肉食之皮可作鞞轡用是二
物一名也又鼯魚部載壯鼠云微溫療踈折而近世醫
方用其肉主骨蒸勞極四肢羸瘦殺蟲亦主小兒疳瘦

去其骨以酒熬入藥脂主湯火瘡臘日取活鼠以酒煎
為膏療湯火瘡滅癩疵極良糞主傷寒勞復張仲景傷
寒論及古今名方多用之陶
隱居云其屎兩頭尖尖耳

行義曰

鼯鼠鼯鼠也其毛色如鼠今京畿田中甚多脚
絕短但能行尾長寸許目極小項尤短魚易掘

取或安竹弓射之用以飼鷹陶不合更引今諸山林中
大如水牛形似諸灰赤色者也設使是鼠則孰能見其
溺精成鼠也陶如此輕信但真醇之士不以無稽之言為妄矣今經云在土中行則鼯鼠無疑

黔州鼯鼠



鼯鼠音鼠主墮胎令產易生山都平谷陶隱居云鼯鼠一名鼯生狀如

蝙蝠大如鳩為毛紫色間夜行飛生人取其皮毛以與產婦持之令兒易生又有水馬生海中是魚鰕類狀如

馬形亦主易產今按陳藏器本草云陶云有水馬生海中主產按水馬婦人臨產帶之不爾臨時燒水飲服亦

可手持之出南海形如馬長五六寸蝦類也南州異物志云婦人難產割裂而出者手搯此蟲如羊之產也生

物中羊產最易臣禹錫等謹按難產通用藥云鼯鼠微溫

圖經曰鼯音鼠出山都平谷即飛生鳥也今湖嶺間山中多有之狀如蝙蝠大如鴝鵒毛紫色間夜

行飛生南人見之多以為性捕取其皮毛以與產婦臨

尋持之令兒易生此但云執之而小品方乃入服藥其方取飛生一枚梔子故芎藭羽各十四枚合搗丸桐子大以酒服二丸令易產也又有一種水馬生南海中頭

如馬形長五六寸蝦類也陳藏器云婦人將產帶之不
瀕臨時燒末飲服亦可手持之異魚圖云漁人布網罟

此魚多挂網上收之暴乾以雌雄各
一為對主難產及血氣藥亦用之

衍義曰

鼯鼠經中不言性味惟是於難產通用藥中云
鼯鼠微温毛赤黑色長尾人捕得取皮為煖帽

但向下飛則可亦不能致遠今開西山中甚有毛極密
人謂之飛生者是也注中又引水馬首如馬身如蝦背
僅倮身有竹節紋長
一二寸今謂之海馬

野豬黃味辛甘平無毒主金瘡止血生肉療癩瘡水研

如棗核日二服效

唐本先附臣禹錫等謹按孟詵云野
豬主補肌膚令人虛肥膽中有黃研

如水服之治疰病其肉尚勝請猪雌者肉美其冬月在
林中食橡子肉色赤補五藏風氣其膏練令精細以一

匙和一盞酒服日三服今婦人多乳服十日可供三四
孩子齒作灰服主蛇毒膽治惡熱氣日華子云野猪主
腸風瀉血炙食不過十頓膽中黃治鬼疰癩疾及惡毒
風小兒疳氣容忤天芎脂悅色并除風腫毒瘡癬癩臘
月陳者往外腎和皮燒作灰不用絕過為
未飲下治崩中帶下并腸風瀉血及血痢

食療

三歲膽中有黃和水服之主鬼疰癩病又其肉
主癩癩補肌膚令人虛肥雖者肉美肉色赤者
補人五藏不發風虛氣也其肉勝家猪也又膽治惡熱
毒邪氣內不發病減藥力與家猪不同脂主婦人無乳
者服之即乳下本來無乳者
服之亦有青蹄者不可食

食醫心經

主久痔野雞下血不止肛邊痛猪肉
二觔切著五味炙空心食作羹亦得

衍義曰

野猪黃在膽中治小兒諸癩疾京西界野猪甚
多形如家猪但腹小脚長毛色褐作羣行獵人

惟啾射最後者射中前奔者則羣搗散走傷人肉色赤如馬肉其味甘肉後軟微動風黃不常有問得之世亦少用食之尚勝家猪

豺皮性熱主冷痺脚氣熟之以纏病上即差

唐本先附臣禹錫等

謹按益說云主疔痢腹中諸瘡煮汁飲之或燒灰和酒服之其反傳蟻齒瘡肉酸不可食消人脂肉損人神情日華子云有毒炙裹軟脚消食之能瘦人

食療

云寒頭骨燒灰和酒灌解槽牛馬便馴良即更附又也

聖惠方

治墜病用狼喉結曝乾研末入半錢於飯內食之妙

外臺秘要

云治癩瘡狼屎灰傅上

子母秘要

小兒夜啼狼屎中骨燒灰
作未服如黍米許即定

抱朴子

云狼壽八百歲滿三
百歲則善變人形

臍肭脰



膈胸臍味鹹無毒主鬼氣尸疰夢與鬼交鬼魅狐魅心
腹痛中惡邪氣宿血結塊疰癖羸瘦等骨訥獸似狐而

大長尾生西戎

今附臣禹錫等謹按藥性論云膈胸臍君大熱比是新羅國海內狗外腎也連

而取之主治男子宿癥氣塊積冷勞氣羸瘦腎精衰損多也成腎勞瘦悴日革子云膈胸獸主補中益氣腎暖腰膝助陽氣破癥結療驚狂癇疾及心腹疼破宿血

圖經曰

膈胸臍出西戎今東海傍亦有之云是新羅國海狗腎舊說是骨訥獸似狐而大長尾其皮上

自有肉黃毛二莖共一次今滄洲所圖乃是魚類而豕首兩足其臍紅紫色上有紫斑點全不相類醫家亦兼用此云欲驗其真取置睡犬傍其犬忽驚跳若狂者為佳兼耐久蓄置密窠中常濕潤如新採無時異魚圖云

試臙肺臍者於臙月衝風處
置盂水浸之不凍者為真也

陳藏器云

如爛骨從西蕃來骨胸獸似狐而大長尾
臍似麝香黃赤色生突厥國胡人呼為阿

慈勃
他你

海藥

謹按臨海志云出東海水中狀若鹿形頭似狗長
尾每遇日出即浮在水中崑崙家以矛矢而採之

取其外腎陰乾百日其味甘香美大溫無毒主五勞七
傷陰痿少力腎氣衰弱虛損背膊勞悶面黑精冷寢良
凡入諸藥先於銀器中酒煎後方合和
諸藥不然以好酒浸炙入藥用亦得

雷公云

凡使先須細認其偽者多其海中有獸號曰水
鳥龍海人採得然之取腎將入諸處在藥中修

合恐有誤其物自殊有一對其有兩重薄皮裹丸器肉
核皮上自有肉黃毛三莖共一穴年年癢濕常如新蕪

將於睡著犬躡足置於犬頭其犬驚如狂即是真也
若用須酒浸一日後以紙裹微微火上炙令香細剉單
也 搗用

行義曰

膈胸臍今出登萊州藥性論以謂是海內狗外
腎日華子又謂之獸今觀其狀非狗非獸亦非

魚也但前即似獸尾即魚其身有短密淡青白毛腹脇
下全白仍相間於淡青白毛上有深青黑點久則色復
淡皮厚且韌如牛皮邊將多取以飾鞍鞞其臍治臍腹
積冷精衰脾腎勞極有功不待別試也似狐長尾之說
蓋今人多不識

麋



麋

音紀

味甘平無毒主五痔病煉出以薑醋進之大有效

又云多食能動人痼疾

臣禹錫等謹按日華子云麋涼有毒能墮胎及發瘡癩疥

頭骨為灰飲下主飛尸生東南山谷

附今

圖經曰

鹿音儿出東南山谷今有山林處皆有而均房相漢間尤多實麋類也謹按爾雅麋與儿同大

麋旄毛狗足釋曰麋亦麋也旄毛獺音獠長毛也大麋毛長狗足者名麋南人往往食其肉然堅韌不及麋味美多食之則動痼疾其皮作履舄勝於衆皮頭亦入藥用採無時又有一種類麋而更大名麋音京不堪藥用

山海經曰女儿之山其獸多麋麋是此

拾遺云

味辛主野鷄病煉出作生以薑酢進食之大有效又云多食能動人痼疾頭骨為灰飲下


之主飛尸
生東南

行義曰

鹿獐之屬又小於獐但口兩邊有長牙好鬪則用其牙皮為第一無出其右者然多牙傷痕四

方皆有山深處則頗多其聲如擊破鉢

野駝馬



野駝脂無毒主頑痺風瘙惡瘡毒腫死肌筋皮攣縮踠損筋骨火炙摩之取熱氣入肉又以和米粉作煎餅食之療痔勿令病人知脂在兩峯內生塞北河西家駝為

用亦可

今附臣禹錫等謹按日華子云駝脂溫治風下氣壯筋力潤皮膚脂療一切風病頑痺皮膚急

及惡瘡腫毒漏爛並和藥傅之野者彌良

圖經曰

野駝出塞北河西今惟西北蕃界有之此中盡人家畜養生息者入藥不及野駝耳其脂在兩

峯肉間其性溫治風下氣壯力潤皮膚人亦鮮食之又六畜毛蹄甲主鬼蠱毒寒熱驚癇癩瘡狂走駝毛尤良陶隱居云六畜謂馬牛羊猪狗雞也騾驢亦其類毛蹄各出其身之品類中所主療不必盡同此矣蘇恭云

駱駝毛蹄甲主婦
人赤白下最善

外臺秘要

治痔取駱駝額下毛燒作灰
取半鷄子大以酒和服之

丹房鏡源

云駱胎
可柔金

衍義曰

野駝生西北界等處家生者峯蹄最精人多煮
熟搗咬糞為乾末搐鼻中治鼻衄此西番多用

嘗進築於
彼屢見之

獼猴味酸平無毒肉主諸風勞釀酒彌佳頭角主瘡
瘡作湯治小兒則辟驚鬼魅寒熱手主小兒驚癇口噤
屎主蜘蛛咬肉為脯主久瘡皮主馬疫氣此物數種者

都名禺屬取色黃尾長面赤者是人
家養者肉及屎並

不主病為其食息雜違其本真也

唐慎微續添

聖惠方

治鬼瘧進退不定用狢獠頭骨一枚燒灰末空心溫酒調一錢匕臨發再服

抱朴子

云獼猴壽八百歲即變為猿猴壽五百歲變為櫻櫻壽一千歲變為蟾蜍

敗鼓皮平主中蠱毒

陶隱居云此用穿敗者燒作屑水和服之病人即喚蠱主姓名仍往

令其呼取蠱便差白藁荷亦然自革部今移

圖經

文具牛黃條下

外臺秘要

云治蠱取敗鼓皮廣五寸長一尺薔薇根五寸如足姆指大本元云菖若根剉以水

一升酒三升煮取二升
服之當下蠱蟲即愈

肘後方

治中蠱毒諸方人有行蠱毒以病人者若中之
當服藥如知蠱主姓便呼取以去也凡訴法中

蠱狀令人心腹切痛如有物咬或吐下血不即治之蝕
人五藏盡即死矣欲知是蠱當令病人吐水沈者是浮
者非亦有以蟲蛇合作蠱藥著飲食中使人得瘕病此
一種一年死治之各自有藥江南山間人有此不可不

信之

梅師方

治卒中蠱毒下血如鵝肝晝夜不絕藏腑壞敗
待死知蠱姓名方破鼓皮燒灰服自呼名治之

即去又欲知蠱毒主姓名取敗鼓皮少許
燒末飲服病人須臾自當呼蠱主姓名

楊氏產乳

療中蠱毒取敗鼓皮燒作末酒服方寸匕須
臾當呼蠱姓名令本蠱主呼取蠱名即差聖

患方亦治小兒五種蠱毒

衍義曰

敗鼓皮黃牛皮為勝今不言是何皮蓋亦以驢馬皮為之者唐韓退之所謂牛溲馬勃敗鼓之

皮俱收並蓄待用無遺者今用處亦少九好煎膠專用牛皮始可入藥

六畜毛蹄甲味鹹平有毒主鬼疰蠱毒寒熱驚癇癩瘖

狂走駱駝毛尤良

陶隱居云六畜謂馬牛羊猪狗鷄也驢驘亦其類駱駝方家並少用目馬

牛羊鷄猪狗毛蹄亦以各出其身之品類中所主療不必同此矣唐本注云駱駝毛蹄甲主婦人赤白帶下最善

圖經

文具野駝脂條下

五種陳藏器餘

諸血味甘平主補人身血不足或因患血枯皮上膚起
面無顏色者皆不足也並生飲之又解諸藥毒菌毒止
渴除丹毒去煩熟食筋令人多力

果然肉味鹹無毒主瘡瘴寒熱煮食之亦坐其皮為褥
似猴人面毛如蒼鴨肋邊堪作褥南州異物志云交州有
果然獸其名自呼如猿白質黑文尾長過其頭鼻孔向
天雨以尾塞鼻孔毛溫而細爾雅雌仰鼻而長尾郭注

與此相似也


狨獸無毒主五野雞病取其脂傅瘡亦食其血肉亦坐其皮積久野鷄病皆差也似猴而大毛長黃赤色生山南山谷中人將其皮作鞍褥

狼筋如織絡袋子似筋膠所作大小如鴨卵人有犯盜者熏之當脚孿縮因之獲賊也或云是狼胫下筋又云蟲所作未知孰是狼大如狗蒼色鳴聲諸孔皆涕

諸肉有毒獸歧尾殺人鹿豹文殺人羊心有孔殺人馬

蹄夜目五月已後食之殺人犬懸蹄肉有毒殺人不可
食米甕中肉殺人漏沽脯殺人肉中有星如米殺人
羊脯三月已後有蟲如馬尾有毒殺人脯曝不燥火燒
不動入腹不銷久置黍米釜中令人氣閉白馬鞍下肉
食之損人五藏馬及鹿膳白不可食乳酪及大酢和食
令人為血痢驢馬兔肉妊娠不可食乳酪煎魚鱸瓜和
食立患霍亂豬牛肉和食令人患寸白蟲諸肉煮熟不
飲水食之成瘕食兔肉食乾薑令人霍亂市得野中脯

多有射罔毒食諸肉過度還飲肉汁即消食腦立銷



證類本草卷十八